



01928

莆風清籟集卷三十四

寧州

周孔從白



寧鄉

胡澤潢咸池

詩

里中後學鄭王臣慎人

一字蘭陔輯選

受業連江余良棟美芹校閱

明二十七

方承珂一首

字伯鳴改字伯玉號復如天啟辛酉鄉薦官壽

州知州

青瓜清籟集卷三十四

粵東臬幕奉別諸全寅

數載青油幕親朋會晤多。開年俱已艾。鎮日可同歌。賓

席無魚供。宦庭有雀羅。徘徊臨別者。春色長薜蘿。

林台衡一首

字兆清號湖長天啟辛酉鄉薦

蘭陔詩話湖長游心繪事山水人物俱臻妙境
詩少流傳

石門滌

習靜空山獨杖藜。石門幽入白雲西。落花徑淺猿相引。
種藥春深鳥自啼。古洞翩翾羣帝馭。雙扉寂寂百靈栖。

天台世去無多路。怪問漁郎失舊蹊。

王家彦 二首

字開美號尊五天。放壬戌進士授開化知縣。改
蘭溪擢兵科給事中遷大理少卿陞太僕卿晉
戶部右侍郎改兵部加太子少保協理戎政死
于難贈太子太保兵部尚書謚忠端改謚忠毅

有王忠端集

蘭咳詩詒公之死昭忠錄諸書皆云守德勝門
城陷自投城下死惟甲申傳信錄云寇逼王公
坐安定門嘆曰我總督營今日城破萬死難
贖且義不可污賊刃遂自縊于城樓未幾發

昔風清簾集卷三十四

二

城樓覆歷後出其屍于瓦礫中其甥楊負而殮
之按蔣公德環誌公墓云初守阜城門久之移
安定門張公肯堂請卸疏云公三月初一日守
安定門至十九日賊從別門入公望闕叩頭遂
自縊死是傳信錄之言為有據惟收公屍者為
義士鄭而泉名詮教諭開之父三山高兆記其
事甚悉非楊甥也

城頭秋感

漠漠寒雲起暮笳。煙塵猶未退戎車。壁門明月臨青海。
朔野霜風捲白沙。幕府夜闌蛩復切。嚴城秋老菊無花。
可憐關塞淒涼甚。荒塚纍纍數萬家。

鐵笛齊吹漢月秋。壯夫有志竟悠悠。淒涼關塞寒風集。

杏。渺。河。山。積。雪。留。匹。馬。曾。過。青。草。塚。大。軍。昔。駐。華。蘭。洲。
平生最厭推衛霍。百戰無封亦便休。

戴士琦一首

字章荆號潛石天啟中貢生官成都府推官有
蝸寄軒集

薛濤井

女史楊蛾錦水涯。纖腰如柳顏如花。無端鎮帥求垂聆。
不盡王孫走狹邪。剝得胭脂留碧井。染成箋楮映丹霞。
至今欲吊芳魂處。猶說浣溪是薛家。

昔風清簫集卷三十四

三

黃起雒

四首

字應僖號十華又號宓仙鳴喬子天啟甲子鄉
薦授潮州推官歷官僉都御史有宓庵集

蘭陔詩話宓仙善山水筆意頗似大癡田夫野
老求無不應至達官顯者具筐篋求尺幅竟不
可得晚遭國變盡髮其髮自稱無山老衲懸清
席為門賣畫自給詩亦清勁

雲峰舟中

奇詩怪石下。白袷亂藤中。裘重千山雪。帆輕百里風。長
溪鋪夕練。落木語秋空。人世蓬州在。會心孰與同。

和林羽伯秋拍

天外蕭蕭變徵聲。江山萬里築愁城。鼎湖龍去雲何在。
燕壘堂傾子未成。漢苑銅人秋淚寂。隋堤枯柳月痕
殘。幾回目斷繩河影。惆悵晨鐘久不鳴。

落花

石白繩牀獨掩門。芳肌消瘦立黃昏。幽閨夜聽傷春嘆。
寶鼎香沉過雨魂。帝子珠簾江有恨。僊人銅掌曉無痕。
新紅休笑舊枝冷。留取殘芳世外存。

山夜

夜了山深蚤閉門。山童相戒避山君。月明如晝無人跡。

昔風清籟集卷三十四

四

獨立空階數過雲。

曾世袞

一首

字長修號東亭楚鄉子天啟甲子鄉薦官兵科

給事中有耐庵集

蘭陔詩話東亭博學善屬文甲申國變後與黃
石齋曹能始謀興復兵敗遁入海島中悲憤
海死其詩五言如天低薺樹亂竹屨犬聲幽
殘三徑晚蟲據半汀秋顏饒幽致

虎邱千人石

昔時聞說法。今日聞笙歌。當是點頭後。無妨伴綺羅。

鄒銓一首

字爾叙號平子天啟甲子鄉薦授奉化知縣

客饒平即事

干戈未靖苦三農。興地猶留淳古蹤。野足桑麻供夏稅。園餘芋栗佐晨餐。傾來溪酒春雲湧。釣得池魚曉霧濃。閒聽村童歌一曲。土音唱和亦從容。

鄭楚勳二首

字叔恢號全初天啟甲子鄉薦授零都知縣擢

雲南道監察御史

蘭陔詩話公疏救劉宗周直聲振一時晚歸澄溪以吟詠自娛

昔風清籟集卷三十四

五

宿蕭家渡

嚴冬天氣冷。薄暮客心遙。遠寺山腰火。歸帆峽口潮。沙明驚月照。木落覺霜凋。村居沽無酒。何能慰寂寥。

題雲壑圖

誰寫丹邱翠壑圖。居然太乙啟仙都。伊人鼓枻水深。不必君王賜鏡湖。

林一柱一首

字元功天啟乙丑進士授陳州知州遷戶部員外。出知常州府。改吉安。陞廣西僉事。歷山西按

醉出絹素聽其揮灑筆墨飛動人以為張顛再
見顧虞復生游金陵吳越間與程孟陽李長蘅
為莫逆交詩思軒爽流逸固
不在松圓檀園二老之下

逢鄭應台

柘浦班荆後無端又十年故人長短夢世事去來船留
滯悲王粲風流老鄭虔今宵淮上酒莫論幾多錢

初夏答友人見訊

單衣違夏令早晚尚輕綿存病難蠲酒醫愁只勸眠月
斜琴軫外花落筆床邊總可焚香對新詩亦懶編

辛未立春日聞黃幼玄上疏

昔風清贖事卷三十四

七

百舌無聲久俄聞衰鳳鳴乾坤如乍寤魑魅合潛驚藥
石千言苦身家一笑輕堪憐肉食者爭說是沽名

十四日聞幼玄再進疏

疏入遭嚴詰天顏殊未回金方求砥礪鼎豈忘鹽梅白
簡何難繼丹心豈易灰莫教明盛世荃莖起疑猜

二月朔日聞幼玄被謫

封章三達聽亦是轉圜時異語終求繹昌言儘可師傾
心應比藿衛足幸如葵遷謫何足論孤忠自古危

金陵漫興

樓居坐卧見南山。剝啄殷稀白晝閑。江折九迴澄素練。
峰堆雙黛結螺鬟。再逢萸菊入猶病。正憶蓴鱸客已還。
來往長干驚老大。曾將裘馬逐紅顏。

無諸懷古

漢壤唐封跡已迷。荒臺無路草萋萋。釣龍井涸藏蝌蚪。
洗劍池乾令鷓鴣。伯氣不隨秦燄滅。芳魂羞學楚鶉啼。
只餘傑閣高千丈。一望扶桑海日低。

江行

江月如眉細。江沙若掌平。江舟剛一葉。載得楚腰輕。
身與虛舟侶。心將流水同。載書兼載酒。隨浪復隨風。

黃風清籟集卷三十四

八

題畫

山水空靈讓武夷。黃梅正歇荔枝時。畫成不覺鄉心亂。
添得梳中幾丈絲。

題畫

山光樹影護精廬。寂寂人疑楊子居。睡起焚香無別事。
窓間隨意檢殘書。

將歸白下留題侯預瞻壁

來時梅瘦未成花。別去垂楊金作芽。他日相思如看畫。

板橋西望是吾家。

泊浣城三日懷白下故人

坊依碎石岬依沙。行遍城南乏酒家。日暮客愁如白下。蘆花風起似楊花。

和答錢受之

閒將古研自摩挲。竹院愁逢俗客過。今夜僧窓真似水。塢鈴箇說多羅。

茉莉曲列朝詩集誤刻王百穀

滿籠如雪斗攔街。喚起青樓十二釵。繡筐裝錢下樓買。

昔風清籟集卷三十四

九

斜露鳳頭鞋

烏銀白鏹紫磨金。斷出織之茉莉簪。斜插女郎頭。鬢髻晚妝朝月拜深。

戴花人盡是烏蠻。夜宿娼樓曉未還。小妓簸錢贏數本。取來人在虎邱山。女首與列朝詩集小異。

枕上雜吟

勸將書卷引閒眠。枕上青山几上煙。午夢似醒。似夢濕雲如地水。如天。

山前山後響江潮。湖尾湖頭沸畫燒。獨坐空樓閒不避。

自燒沉水伴無聊。

鄭繼紹 一首

字邦衡天啟中諸生有拙存藁

蘭陵詩話邦衡與宋比玉友善詩名藉甚所傳數作俱未愜鄙懷從莆陽詩中錄存一首

龜山作

山與秋相宜。秋靜山亦晏。是心如秋雲。掃斷秋空現。詎不遂冥探。幽偏良已見。城南三十里。步歷幽澗當其造極時。山窮而海獻。周峰三五嶺。忽造中峰院。圓嶠伏前林。高山匝四面。茶笋無冬春。佛國小州縣。觀身等灰木。談笑示露電。我與二三子。幽懷伸繾綣。破俗吾豈能。聊用息天腎。

莆風清籟集卷三十四

十

黃光 二首

字若水天啟丁卯鄉薦官來安知縣有十一洲

詩草

蘭陵詩話若水工駢體文奇篇麗句枕籍齊梁與周方叔齊名遺集散失不傳良足惜也

三月晦夜

蕭々風雨送春歸。幽事江干早晚非。謝豹誰銷青帝恨。落花不惹美人衣。鐙前夢斷霜添鬢。枕上鐘寒水到扉。

總為芳華縈去住。以身難傍曉鶯飛。

溫陵旅宿

寒夜一何長。鳴雞催不曙。秣馬促晨炊。暗逐霜光去。

方祖兆二首

字昌祚號次道天啟中諸生

蘭陔詩話次道工書法名亞於此王

向來宮詞

紈扇已涼秋。紅顏欲銷歇。夜深下玉階。獨拜梧桐月。

知汝山中

昔風清籟集卷三十四

十一

曉起空山萬木疎。四時天地借清虛。溪光欲接梧桐月。石籟時行水竹居。兩去蛙喧芳草夜。秋歸雁老夕陽初。向來農夕朝應至。有事西疇或告予。

林雉鳴一首

字定于號迂公天啟中諸生有滋榭堂集

蘭陔詩話吾莆宋比玉善八分書有聲吳越開人競效之號莆田公惟迂公最稱入室又善畫山水頗似董北苑詩亦清逸全集尚未雕板其子孫秘不見示僅得一絕

題畫

茅簷帶雨出林巔。小浦孤村斷復連。鐘語微茫蕭寺隔。

漢煙長伴打魚船

安 陳桂洲修堂

會稽 周世紀立人

參訂

里中後學鄭王臣慎人一字輯選

受業婿文安陳爵雲子校刻

黃起有



字應似號政庵崇禎戊辰進士改庶吉士授編

修遷國子司業歷左中允左諭德陞左庶子乞

莆風清籟集卷三十五

南安 陳桂洲修堂

會稽 周世紀立人

叅訂

里中後學鄭王臣慎人一字蘭陔輯選

受業婿文安陳爵雲子校閱

明廿八

貞起有正首

字應似號政庵崇禎戊辰進士改庶吉士授編

修遷國子司業歷左中允左諭德陞左庶子乞

莆風清籟集卷三十五

省親起少詹事晉禮部左侍郎有慵山詩集

蘭陔詩話改庵善草書得古人筆法晚與諸遺民唱和鏤本流傳亦玉山雅集之流也

劍津雨宿

煙中凌一葉。城下匯雙流。雄劍腥龍雨。踈燈點鴈洲。鐘
淒方入夜。衣薄况深秋。旅宿曾經慣。難堪是白頭。

不寐

漏箭迢。枕上聽。霜花漠。浸蒼瓠。幾聲悲角。烽樓火。
何處踈鐘。貝葉經。勞碌風塵。思往日。蕭條白髮對殘星。
莫言今夜愁無睡。翻悟多年夢不醒。

林銘凡四首

字祖策號慎日崇禎戊辰進士授中書舍人擢湖廣監察御史出為山東按察副使有南牕遺

薰

蘭陵詩話慎日早賦遜初觴咏自娛王季常時敏稱其画入神品舉陳無已詩偃屈薰氣萬里入咫尺二句以贈其詩取法玉唐不傍公安竟陵門戶

賦得蛟弄美人釵

誰家女兒好顏色媚臉如花難再得高梳雲髻襯明霞
額壓雙釵垂鬢側蛾眉淡掃肌生香無限風流入空憶

昔風清韻集卷三十五

二

却輸蛟蝶解尋芳親傍鬢鴉寄弱翼翩翩戲逐靨邊窺
釵頭釵尾穿如織任教粉褪與香消栩栩此情終無極
天生尤物亦憐娉婷詎獨能傾國細思此景屬何時
想像知在沉香北

過鄭蕪州棠林有感用石上韵

棠陰凝碧水空流閒鎖煙霞半壑秋澆酒事猶思栗里
游僊人已逐浮邱藤封古瓦來蒼鼠草滿荒塘下白鷗
惆悵不須嗟刻石平泉花木幾曾留

見孀氏所作扇頭山水

閨秀丹青有管姬。風條雨葉擅當時。如今筆底生山水。
更勝瑤牋寫竹枝。

戲染松煙淡。施林巒古木境多奇。毫端可出遠山秀。
宛似當年卓女眉。

吳承燧四首

字伯昭號闇生崇禎戊辰進士授懷寧知縣

楊柳枝詞

二月纖枝三月花。綠堤綠柳簇香車。紫驕慣識西陵路。
直向高樓蘓小家。

蒲風清籟集卷三十五

三

晴烟十里抹虹橋。俠少尋芳白馬驕。腸斷當壚人似玉。
春纖輕把柳條招。

雨葉烟條野水傍。隨波飄蕩逐風狂。何曾繫着卽船住。
祇解縈將妾恨長。

休言淺翠與深青。岸北堤南日。零。最是輕盈無着處。
春風一夜又浮萍。

林佳鼎一首

字漢宗崇禎甲戌進士官戶部郎中轉禮部出
為廣東提學副使陞兵部右侍郎巡撫廣東死

于難

蘭陔詩話侍即奉命督師與廣州將陳際泰戰於三水際泰敗走既與林察戰於海察使海上石馬鄭徐四盜偽降侍即誤信之至三山口亂作全軍俱沒侍即赴水死莆志於明末殉難諸公多諱而不書今俱列之以補缺漏

拜方霽峰少卿墓

忠諫先生數最奇。夕陽哀草卧殘碑。毒寒近瘦無人種。竹醉欲癡何日移。野土荒々稀吊問。漆燈閃々照鬚眉。奏章揮灑今如昨。一向雲霄想羽儀。

蘭陔詩話霽峯葬東宋遺命多種梅竹明季已就荒蕪故侍即詩及之今不獨梅竹無存半亭

昔風清籟集卷三十五

四

馬巖幾為鈿鍾所侵昔展季之墳秦禁樵採武侯之壘魏止收斂奈何名臣埋骨之區必欲鈿為菜圃彼虫々者殊可怪也

周金湯一首

字憲洙一字永叔崇禎庚辰武進士授湖南道

中軍守備累陞中軍都督掛果毅將軍印加太

子太傅封漳平伯進太師死于難有穀城詩集

蘭陔詩話憲洙好談孫吳兵法每以擊衆所向多捷後奉使海上歸至潮州被執禁獄中半年論降不從始就義監刑官授以紙筆問所欲言奮然書一絕云々監刑者法之給還其尸所著有老子註金剛經註唐詩明詩選天詩文彙今俱不傳

絕命辭

主辱臣應死中原寸土無蓋棺何所有白髮滿頭顱

黃斌卿 二首

字明輔號虎癡崇禎中以父起鳴殉難廕補銅

山把總累遷浙江總兵官掛鎮南將軍印加太

子太師封肅國公死于難謚忠襄有來威堂存

藁閩浙雜咏

林君十云肅國漳平雅好書史進退以禮有儒將之風彼見明社已

屋不特身事二姓不可即輸息世間遜悔林澤保有妻子而有所不忍也不然夫豈不知天命之有歸而區區不忘溝壑為哉

首風清籟集卷三十五

五

蘭陵詩話虎癡少落魄好談霸王之畧人多笑之及在戎間屢殲巨寇威名大著甲申之變率舟師勤王為馬阮所阻從外海歸屯師舟山阮進等忌殺之其文辭亦雅贍雕板藏林斯非安今已散失無存虎癡未遇時有妓劉荆州妻寢夢卧虎在門驚寤已而虎癡至遂定情奔與偕歸既復遠遊夫人屢迫嫁之誓絕不易自投于水虎癡既貴謚為慧烈事與韓蘄王梁夫入相類而不得共享富貴深足憫惜故附及之

中秋海上報捷

夜半戈船出甬東五更露布奏膚功犀龍穩泛三秋月

驚鸞雄飛萬里風瀚海無波清鑊甲天山有石紀瑯弓

試看日照扶桑處劍氣稜々駕彩虹

汎定海登招寶山夜望

六鰲天外一孤城。遙望海山萬里平。風捲旌旗沙作陣。

月明燈火水連營。層々樓閣空中現。點々蓬萊掌上擎。

細聽潮聲催鼓角。腰間寶劍幾回鳴。

林不息一首

于難贈湖廣按察僉事

于難贈湖廣按察僉事

蘭咳詩話滄水令臨湘值群盜四起募兵藏巨

臨湘滄水悉擒斬之賊悉眾來攻城破獻忠救

首風清籟集卷三十五

鼻良久乃絕殉其難者有門生湯身之蕭露葵

讀高王父省吾公遺愛祠碑

廟額峙湖邊。思筭無歲年。棲高寒老柏。啞竊咽流泉。漢

澤敷千畝。清風賸一錢。口碑傳不朽。何事覘山巔。

曾叔白一首

字少青崇禎中貢生授石城知縣擢廉州府同

知苑于難

蘭咳詩話廉州城破公義不辱與弟諸生叔鎮

及母嫂十餘人自焚死少時味梅絕句與文信

國六梅亭詩惟渠不變凌霜操千古風標只自

咏楸

謝却穠華獨不群。清姿共雪競紛紛。風霜歷盡乾坤老。留取孤芳千古聞。

周 露 一首

字慕存如磐子崇禎中以廕授內閣中書舍人

炮于難

蘭陔詩話慕存有膂力精刀槊從朱孛岡舉兵及師潰慕存首裹五色絢擁楯執戈突圍而出官軍千餘人追之慕存手格殺百餘人且戰且走至數十里追者不釋忽帕首納鬆纏繞其面無所見遂寸斷之

青風清籟集卷三十五

七

猛虎皮

吾聞猛虎獸之雄。包然一嘯振林木。樵豎膽落墜深坑。麋麇相率匿崖谷。一朝失勢遇獵夫。遂令皮毛落君屋。虎兮庸兮昔也包。然今如此。壯士見之仰天哭。拭拂虎皮文尚斑。挈首引尾寧怒目。捋鬣折齒已無存。四蹄委頓爪空伏。嗟哉匹夫匹夫爾。何雄石火光中義。馭速勝負何常期。身名易戮辱塗膏。草野飽饑薦焉得留皮似。茲畜請君細護此毛存。自與犬羊不同鬻。方今天將遠行邊。珍重文茵坐暢轂。

林說五首

字傅公號小築崇禎壬午鄉薦第五死于難有

寸草堂集

蘭陔詩話小築為侍御吾從魯孫縣尹爾馨之子為人淡泊寡營惟耽吟咏詩亦清勁拔俗不沿時調甲申之變作詩自矢云誓死髮膚不毀舍生豈為令名雖云未膺主組但念已歌鹿鳴遂走入深山餓死清風諒節可以遠希西山並比疊山矣明紀誤作福清人

久不得家書

方起離鄉歎。反刪家累憂。一丁薪水係。十口稻糧謀。借種鋤田土。質錢緩債求。想當歲暮。煩苦蹙眉頭。

昔風清籟集卷三十五

偶成

怨咨天下滿。一士嘆云微。棄置如陳麻。哀殘類破衣。兵戈軀命賤。水旱妄孽饑。數骨同柴瘠。惟餘蛻虱肥。禮數今人重。老生拜答寬。長年無奏記。久坐省衣冠。服藥饗殮。半茹蔬肺腑。乾科頭成日。了有鏡不曾看。四方耕稼地。處士嘆無田。貧省輸官稅。荒漆糶穀錢。療饒資木石。却老學安禪。歲了肌膚減。齒牙幸尚存。非敢言孤憤。窮愁無善音。屬辭非壯歲。寡過罪年深。髻小簪為累。髮踈蝨不侵。悲歌蟲鳥性。時至自沉吟。

林尊賓 二首

字燕公自號餘黎子崇禎壬午鄉薦以獻策授

兵科給事中死于難有雁園集

蘭陔詩話燕公與傅公約全殉國難傅公餓死之明年燕公從朱孕同起兵及興郡城破燕公具衣冠坐廳事作絕命詩別其兄師入大呼曰我給諫林尊賓也速取頭顱去遂見殺雁園集詩俱拗澁從集外錄得二首亦見古雅

南山行

南山起雲北山起電孤身中央不知其變一解平村落虎

四鄰伐鼓雖則伐鼓不如伏弩二解河水滌了人知其深

莆風清籟集卷三十五

九

下有游魚上有飛禽三解風雨蛟龍以類相從鳴鳳無陽

不如寒蛩四解東園種瓜西園種麥澆石生苔何實可摘

五解

將歸莆田留別吳江諸子

贈別臨岐折柳枝越山上瀨片帆遲荔支亭下清秋月

還憶吳江楓落時

余 颺 二十一首

字賡之號季蘆崇禎丁丑進士知宣城寶應上

虞三縣歷官吏部考功司郎中廣東按察副使

有蘆中集

蘭陔詩話季蘆從朱孕周起兵被執禁獄中踰
年得釋歸晚製鐵笛自稱老鐵蓋以楊蘆夫自
况也其詩古體發源漢魏歸宿杜李近體間出
宋元別調陳伯璣稱其可與少谷石倉三分鼎
時

歸蕭江憶愚山

管我發蕭江。是君北征時。旌旂揚道路。王事勉驅馳。今
君入京闕。是我言歸期。行李載輕舟。朝發鷺水湄。參商
異方域。遠路難相依。管為龍與雲。今為雲與泥。行鵬方
展翼。飛鳥倦思歸。樛梁謀旦夕。豈敢望天池。願子揚聲
名。膏澤遍荒圻。草莽承明德。施恩人不知。此時蕭水暮
月滿芙蓉陂。愚樓不可即。所望在皇畿。

醉後漫歌

醉後發長譟。拔劍斫地舞。子房方龍螭。狀類如處女。奮
跡憚浪推。屈身圯上父。一旦會風雲。功成謝糞土。丈夫
用為龍。不用莫為鼠。

大車行戲成

老夫落魄廿年餘。出門徒步借無驢。道逢官長整折立。
呵杖過後行復徐。傍人竊指笑相謂。是曾啣了乘大車。

如今行路揚無塵。販夫廝役相揶揄。我來行指臨江道。
臨江使君餒大輿。青油滑辮大如屋。白頭老子誠容與。
惜不馳令里兒。見此管徒步。如不如莫怪王融。槌車版
車前安可無八駟。

愚山贈吳綾綿被寄謝

七年曾製一牀被。粗紵爲池布。作貳當時亂後忙。處置
暫得溫煖忘。精織女埠綿花輕如柳。裝成却有一寸厚。
穩鋪版牀一覺眠。似能敵得愁掃帚。小孫惡睡狠凌踏。
破裂已無半幅。舊攜來出門逢故友。笑我頰魚藏敵笥。

昔風清籟集卷三二五

十一

手攜一幅吳綾鮮。色染沈香色妍。此物出自女紅手。
縷分絲合髻花顛。合與貴人伴朝夕。老夫只宜擁紙眠。
杜陵心驚翠褥段。惜福安分俱取焉。舊被雖破比厚綿。
七年相守比老妻。我實愛之不忍遺。新者孔嘉輒如黃。
故人厚意不可忘。何以報之雙鴛鴦。夢裏總無紅煖王。
今宵已老溫柔鄉。

破屋行

破屋十年不脩整。柱傾瓦折穿陷穿。堂前注水密跨坳。
灶突煙窗宿蛙黽。晴天竹下理踈風。掃除蕪穢收綠蒿。

俄頃半天雲氣黑。鞭雷掃電盡無色。雨點如拳倒射飛。
片。淋。頭。酒。葛。衣。床。上。殘。書。收。不。得。濕。亂。淫。填。溝。洫。
數。年。兵。火。少。安。居。足。蔽。風。雨。無。舊。廬。西。鄰。東。舍。俱。灰。燼。
行。人。愁。嘆。入。空。閭。安。得。手。自。供。舂。鐻。上。棟。下。宇。成。版。築。
適。令。比。屋。得。安。眠。悒。悒。風。雨。如。高。天。

獄中夜坐贈林小眉

老。被。微。名。誤。君。方。十。倍。才。乾。坤。逢。格。鬪。鳥。雀。任。疑。猜。濁。
酒。談。無。賴。荒。鷄。聽。可。哀。長。歎。徒。自。損。一。嘆。落。燈。煤。
無。力。支。天。地。飄。零。委。壯。心。何。人。堪。說。盡。為。爾。獨。長。吟。老。

昔風清籟集卷三十五

二

馬。疲。關。嶺。窮。猿。望。木。陰。角。聲。隨。雨。到。雙。鬢。畏。燈。侵。

海國春望

七。閩。舊。是。帝。王。鄉。嶺。北。閩。南。溪。海。長。餘。善。一。成。猶。助。漢。
審。知。半。壁。尚。綿。唐。春。歸。黑。虎。山。頭。月。夜。靜。白。龍。潭。畔。霜。
漠。榕。陰。雙。水。合。劍。津。道。上。使。人。傷。

懷方爾止

社。鼠。城。鴉。哭。帝。都。臨。江。東。望。孝。陵。枯。相。韓。五。世。悲。公。子。
哭。楚。三。閩。憶。大。夫。鴻。雁。離。魂。銷。皖。口。鶴。鴛。妻。羽。鍛。南。湖。
舊。詩。覓。寄。遊。鱗。斷。水。國。茫。歲。欲。徂。

銷夏灣

夫差官館迥吳關。銷夏沉沈水一灣。蘭漿風移香水沸。
杜梨雨溼錦帆斑。館娃人去秋煙寂。響屨廊空暮鳥還。
夜半江頭歌舞歇。千年月冷見愁顏。

拜戚少保祠

當年一旅下閩疆。殲絕倭酋罷戰場。父老今猶談闕伐。
春秋時復奠。蒸嘗銅龍鱗甲蒼苔落。画壁蟲蛇碧草荒。
幾度啼鴉飛繞樹。岩荒古廟煥山陽。

過雲門寺訪二勝和尚

青風清韻集卷三十五

十三

撞衣錫杖水雲遊。特訪名山遊九州。海內英賢多故舊。
篋中詩賦盡離憂。孤城斷雁寒隨月。古刹鳴魚夜帶秋。
無數親朋悲寥落。對君不忍說緇流。

贈楊仁叔漁山先生子

先公嶽了舊詞臣。上第京華謬結鄰。抗疏名曾齊四諫。
捐軀事復比三仁。秋江明月思公子。春草他年望故人。
欲解只餘雙短劍。未堪持贈為防身。

凝翠亭次韻

千峰筍削白蓉開。無限秋光亭上來。野鳥千聲絃是咽。

流泉百道渡成杯。桂林香滿花初落。石磧巢空鶴正迴。
可是西枝堪借宿。贊公遠去此山隈。

贈南州陳伯璣

南州高士夙稱徐。客裏班荆憫索居。明月照人懷抱盡。
奇文相貺定交初。燈抄雪纂惟存雅。船笠車欄穩著書。
媿我仍為流寓客。彈歌但唱薛公魚。

喜逢周遠害

帝京晉歲曾交臂。馬首匆匆拂後塵。垂老相隣難閉戶。
立談未盡覺傷神。兵戈闔楚頻年似。詩賦窮愁逐字真。

青風清籟集卷三十五

君尚黑頭吾白首。不堪相對客中身。

聞鄰人絃歌

淒涼野館晝長扃。響曉歌聲隔巷聽。鶴引雕笙臨玉羽。
鶯迎碧管入紗櫺。詞人慣調河魚泣。樂府新編白雀翎。
莫使更翻天寶曲。江州司馬泪如零。

可嘆

湖草青。綴野橋。鷓鴣渚。出迎潮。水晶簾外。花如錦。

複道行宮久寂寥。

南樓花鳥北樓烟。沸地懽聲動管絃。十載江南多恨事。

筵中莫遇李龜年。

小西湖橋

一橋橫鎖水東西。湖底芙蓉與岬齊。曲唱採菱聲斷絕。居人惟聽鷓鴣啼。

嶺上題壁

南眺鄉關事。非一隅。又說受重圍。孤踪豈似衡陽雁。無奈峰頭暫北飛。

黃擔二首

字任者號素心崇禎中布衣

昔風清籟集卷三十五

十五

襟詩

蘭陔詩話任者工草篆善寫生禹禛後以不謹髮見捕亡命湖海後客虎晉中詩後變微之音

誰謂哀不聲。誰謂淚成血。淚濕百花飛。血凝寸草結。日月移光輝。草色亦歇絕。草死能為香。人窮亦見節。何之可忘憂。是憂終不滅。

殷勤題落葉。因風寄遠飛。葉飛搏九天。下着帝子衣。洞庭不可渡。寸心遂相違。化為雙白蟻。欲採芙蓉歸。日出芙蓉美。月出芙蓉稀。芙蓉自不久。豈關日月非。

黃同一首

字通聖號為堃崇禎中諸生

蘭陔詩話為野見時事日非隱居深山賦詩無史不欽高士傳何山雞種餓夫薇年二十一值國變慟哭而死其前數日作落花詩云莫使盡興開已落烟中泣遂成詩識

登紫帽山

極目來何際山。春事忙千林初帶雨。幽澗正生香。黃綠田園色。高低花竹莊。峰巒屈曲處。知有隱茅藏。

林承爵一首

字懷鼓號平子崇禎中諸生

無題

昔風清籟集卷三十五

風煖金猊百和熏。烟開錦纜出江濱。珮捐洛浦香疑近。槎逼銀河路忽分。渭曲暗傷秦柳。漢空怨楚蘭芬。蓬山已是千重隔。浪擬吹笙向紫雲。

林珮一首

字居仲崇禎中布衣

賦得濯柳條新

春光初漏雨初晴。暗洗章臺色更新。嬈娜未堪持贈客。嬌嬈似欲惹啼鶯。聲含羌管吹猶嫩。態拂隋堤舞尚輕。若使絲垂三月候。短長還恐動離情。

朱山二首

字幼昆號二思崇禎中布衣

蘭陔詩話二思與朱胤岡黃汝庵林燕公往來唱和間帥聞其名累辟不就亦豪放之士也

路旁花集字

不辨花何品。路旁百蕊香。輕紅驕豈寇。間紫妬丁香。蒂弱風難定。莖疎草易荒。明妃同薄命。塞北試宮粧。

過朱胤岡墓下

壺公山下草萋萋。丞相墳前路欲迷。精衛久知填海去。怪鴟空自向人啼。白楊蕭颯風難靜。青嶂荒涼日易低。

青風清籟集卷三十五

七

愁殺南皮舊賓客。不堪回首獨含悽。

黃廷俊一首

字伯起號秉鉞崇禎中太醫院御醫

蘭陔詩話伯起精岐黃之術見貧無以為藥者輒陰置金牀頭交道甚廣賓客日嘗數十人皆聞唱酬信手揮灑亦不留藥

春日感懷

白湖水沸噴雲煙。春事寥寥景易遷。簫管無聲兵甲動。詩書有業病貧連。何從避地謀安枕。敢說乘時擬著鞭。日馭光微朝似暮。閉門休管李桃鮮。

莆風清籟集卷三十六

吳江黃汝德心一

參訂

大田柳世鑑佃元

里中後學鄭王臣慎人一字蘭陵輯選

文安陳震慕起校閱

明廿九

周嬰十二首

字方叔崇禎庚辰御賜進士授上猶知縣有遠

遊編

莆風清籟集卷三十六

一

蘭陵詩話方叔弱冠擅才名工六朝聲偶之文所撰危林考詩前人純謬極稱典故核詮鐘一編力排景陵之說尤為精確晚年召對賜第軍邑多善政嘗攝崇義縣值軍興之際寬舊賦除橫征市無強價庭無留訟崇人悅之每日夕操絲竹至相和而歌于堂下方叔不欲逆其意恒令得畢伎有詩紀之云夕衙開筍鼓宵堂理管絃風簾初窺渺月砌竟流連其慈惠風流可想見云生平題咏甚富華整之中自饒流逸

雜詩

狂々常苦渴。留々常苦饑。結交良有托。慕類各有宜。急難見情態。義分明朝曦。負走不獨歡。推肥亦共悲。豈令千載後。著論詆傾危。

曹能始園集

築館枕河上。為圃似郊墟。籬花。市。長。埒。舉。蘭。被。清。渠。候
禽。競。和。響。嘉。對。交。密。柎。南。隣。朝。繼。瑟。北。里。夜。吹。竽。流。雲
繞。羽。帳。清。風。入。綺。䟽。怡。襟。日。欲。暮。班。草。燔。枯。魚。

詠史

白鵠處枯澤。慈鷺在溟梁。潔者但自潔。賤者有餘光。虛
右良家子。發跡常侍郎。騰馬迅飛鳥。射虎若檻羊。七守
安邊郡。百戰涉窮荒。頗虞降卒亂。曾嗔醉尉狂。兄弟翻
分土。軍吏盡懷黃。數竒功。不建。自暮獨慨慷。失道法可
贖。上簿氣。孟揚寶刀。輒自引。徒令海內傷。

昔風清籟集卷三十一

二

葉坊曉行

涼月皓且清。野鷄啣以鳴。商風竟宵厲。遊子向晨征。寒
氣中肌膚。惛然動神情。悲蛩樹。咽。危。灘。處。驚。林。絲。
當我道。茵。露。沾。人。纓。青。楓。溪。欲。曙。隔。岬。聳。鐘。聲。

遊泉山自麓至巢雲巖

始秋商氣淺。曉日炎未歇。隱淪悅深嶠。息影愛茂樾。香
臺閭。歛。霧。石。閣。限。日。月。層。厓。苔。成。篆。積。石。林。為。髮。橋。狹
續絕徑。亭危表行闕。茗啖葉始黃。葶臯華已駮。清籟發

鳴蛟急。景鷲飛。鷲憑澗。松若薺。望巖泉。如絨惜。無絲桐韻。班艸泥塵堀。

同車遊擊料兵夜宿大擔巖天妃宮次韻

紫壑揚颿濟。蒼山弭棹升。微茫眺鑿齒。出沒見竒肱。安知積水際。唯辨浮雲蒸。洲空山鬼嘯。廟古海神憑。石鯨趨淑浦。金爵上觚棱。潮落俯明月。河低近玉繩。湘靈瑟調寂。淵客珠光騰。兵氣連陰火。陣勢出明燈。舉烽傳間謀。乘障講膺懲。初征思易苦。久戍怨難勝。箠膠聊與共。弱水可憑陵。

昔風清籟集卷三十六

宿白榆山寺

丘壘何必遠。道周聊會心。落葉長松內。翳然修竹林。嵩高駐行月。山僻斷鳴禽。解雲豁塵慮。流泉澹清襟。當茲辭動息。暫知禪味深。忽聞吹橫笛。吾亦彈素琴。

嘉榮館

邑小民事寡。繩寬吏舍虛。寧憂簿領亂。頗欣竿牘疎。庭閒息羅雀。厨潔絕懸魚。芳林靜桂樹。候蟲響即且。銅池聞溜急。金壺聽漏徐。欲求今夕友。正有古人書。

豔歌行

暮春三月氣妍和。神夷紫屨鼓春歌。陽林密葉生青蘚。
陰澗新流起綠波。綺陌三條芳草合。金隄一望落花多。
從風弱質名絲綉。奔月妖姿字素娥。玫瑰蘇下鬪連枝。
桃花水上舉可離。凌波未覺污羅襪。涉露寧知溼履絲。
同心綵結長不解。合歡錦帶復相貽。徘徊河間數錢日。
徙倚邯鄲鼓瑟時。王柱朱絃送嚴客。珠鞍繡軸催行役。
垂楊旆旆含情。朝叢星流亂可憐。夕漢舉已失入懷。珠
成。靜空閤支機。石崇華逝水不可留。惆悵浮雲徒共積。

野店

昔風清籟集卷三十六

四

勞々亭外草如茵。居傍荒墟少四鄰。繫馬踈籬愁暮靄。
聽鷄遠戍亂秋晨。門前慣識長征客。壚下仍過感舊人。
欲渡關山看不極。聊從信宿浣黃塵。

湄洲

巨靈已挾戴山鰲。遂有長洲振海濤。地盡不毛樵徑絕。
天迷窮髮戍臺高。潮聲永夜喧金析。霜氣先秋上寶刀。
多少瓜時征戰士。無衣空爾賦同袍。

金陵同友人集侯氏樓

狹邪邂逅聽吳趨。樓夾章臺接九衢。後院花丹春戲蝶。

南園梧碧夜啼烏。酒醒微覺香雲亂。客散還憐錦瑟孤。
明日離憂江上嘆。為君解帶且歡娛。

許兆進 二首

字國相號哉庵。崇禎庚辰御賜進士官全州知州。擢兵科給事中。遷太常寺少卿。

九日和陳白雲韻

令節逢時異。登臨與俗同。菊浮陶令酒。萸佩漢人宮。客
况青山外。秋情細雨中。看花頻有淚。寂寞灑籬東。

梅花

昔風清籟集卷三十一

五

風情只合水雲間。白石蒼苔相對閒。瘦影似憐知己少。
數枝斜月掛孤山。

周吉一首

字吉人號惠雲。崇禎庚辰進士。授靖江知縣。遷

禮部儀制司主事。

和黃石齋發解發源韻

顛揭傷今日。孤芳愧艾蕭。星辰光不晦。山嶽影難搖。水
撼田橫島。波深豫讓橋。西臺風雨咽。擬作楚辭招。

方承章一首

字伯英號無隅崇禎中歲貢生官晉江訓導

粵中懷弟姪

有容南遊吊尉佗。瘴鄉偏越歲寒過。長風吹劍朝行路。
斜月懸帆夜渡河。鴻雁影來雲外少。鷓鴣聲入雨中多。
竹林回首知頻聚。欲共啣杯奈遠何。

戴嘉祉一首

字叔薦號燕昌崇禎丙子鄉薦

蘭陔詩話叔薦隨朱孕岡起兵大師至捕之甚急其僕鄭二十挺身代死叔薦亡命湖海多年

馬上喜晴

昔風清籟集卷三十六

六

幾易舟車意未闌。勞了客路那辭難。一天雨雪連江合。
萬里風霜拂曙寒。回首日邊迷遠樹。舉頭雲外見長安。
霧霞忽報春山淨。立馬停鞭畫裡看。

林元霖 五首

字伯珪崇禎丙子鄉薦乙榜以子甲春贈羅田

知縣有雪竺集

蘭陔詩話雪竺精草隸譚友夏稱其詩出入少陵摩詰間遺藁散佚從溪堂集願社草中錄得數首

南溪和家兼字宗伯韻

溪南猿鳥詎孤他宗伯有孤他猿鳥怨山家之句驚世勛名賦澗邁五

載青山頻夢繞百年黑髮尚頭多古松流水聞碁響絕

磴懸崖見鹿過更愛石門新受月滿窓涼影寫垂蘿

流泉決觸溪鳴峰頂遙聽急雨聲舊挿野松皆過屋

新開絕嶂已通畊一封春茗披青箬萬壑秋濤瀉白罌

昨日留僧詩未和曉來也有事闕情

野坐橋西日夕頻飛泉遠濺烏巾得閒風月真成主

無恙溪山解待人時向雲間看竄縱多於醉裡覺詩神

憑他兜子來還往誰識尚書自在身

青風清籟集卷三十六

七

看雲溪閣坐來孤半點曾聞世事無短睡多憐山鳥喚
開行不待衆人扶沽來簿釀邀僧醉臧得午餐與鶴俱
夜久一燈微竹屋靜聽冷竈鼠巡厨

古柳橋

古水煙滅沒幽崖寒兀突野舫夜三橫飛絮冒明月

曾鐘震 一首

字叔侯號石秋崇禎丙子鄉薦授長樂教諭陞

泉州教授

落花

春陰漠漠掩重門。雨灑殘紅點蘚痕。老我飄零多感慨。
杜鵑聲裡欲消魂。

鄭震開 一首

字疇叔號笠庵應齡孫崇禎已卯鄉薦

九日

橙黃橘綠正深秋。澗浦林寒挾伴遊。巖石如磐堪列坐。
炭壺多酒足相酬。振衣寥廓凌千仞。騁目蒼茫恍十洲。
却為築場禾未納。密雲不雨使人愁。

郭天龍 一首

蕭風清籟集卷三十六

字聖猶號耳子崇禎壬午鄉薦

送毛僉臬天津

圖書朝捧出承明。猶憶滇中舊旆旌。地入燕齊三輔重。
天分河海一流平。馳驅南北憐郵驛。控制東西鎮渤瀕。
且喜舉頭看日近。宣猷應遍股肱城。

嚴鳳陽 一首

字臣日崇禎中諸生

雨中聞鶯

一簾疎雨洗花塵。半榻香雲臥繡茵。滿眼春愁鶯說盡。

不知誰是聽鶯人。

昌弘功一首

字持伯號薇泉崇禎中布衣

蘭陵詩話持伯才情清綺惜不永年遺編散佚從弟弘策字定伯亦有詩名其邊詞有漢使初通星宿海健兒遙指崑崙山之句策亦不傳

花朝

誰道江南花信全。南飛燕子怨經年。青垂葉甲圍城日。寒擁春陰小屋天。楊柳風高吹亂絮。梨花雨重罷鞦韆。何人却起酬詩興。楚舞秦歌泣酒前。

蒲風清籟集卷三十六

宋師旦一首

字正伯崇禎中諸生

感懷

明月下庭階。獨坐不成寐。河漢忽明滅。幽懷焉所致。思我全門子。別離自乖異。物理無窮極。人世猶轉寄。俛仰念景光。隱憂誰能理。

林簡一首

字子山原名王燭字子將崇禎中諸生有房江

蘭陵詩話子山與余希之鄭牧仲葉白生周無
聲曾叔祁柯必仲方章鼓結琬瑤社又與黃子
樹林台正徐羽昂許又求方八公弟小眉結七
子社一篇脫藁雕板流傳亦盛事也

讀曲歌

夜々樓前月照儂白如雪作詩報郎知儂白未到髮

黃

標一首

字子蘇號遇潭崇禎中諸生有霜湖集

蘭陵詩話閩中自十才子稱詩高廷禮論列唐
人源流不差圭叅遂傳為閩派至陸萬間景陵
邪說盛行吾莆如宋比王姚園容諸君皆與鐘
譚定交而不為所染歿後如顧社紅琉璃社遺
老社諸名流多降心從之風雅漸替故其遺集
具在所取特少

莆風清籟集卷三十六

十

聞秋

細響從牕外開門入翠微。紙窮書竹葉。裘敝製荷衣。屋
角雲初至。林端鳥乍歸。誰通誓墓意。未與出山違。

周 聞一首

字無聲號去聞賀子崇禎中諸生有白湖集

蘭陵詩話無聲工草書波磔峭折文筆亦豪宕
可喜體羸善病早歲而卒嘗與林子山同選
陽風雅計百七十人得詩五百六十首二君皆
學景陵派者所甄綜未知當否今其書已不可
得見搜輯之役固不容緩也

病

病與生皆至。生存病亦存。長時不見。半世獨居村。膚
髮既如此。文章何足言。回思稽古力。未信達無門。

葉 甲一首

字白生崇禎己卯鄉薦有師石堂集

蘭陔詩話白生風流放誕終日沉醉痛哭嫚罵
人比之禰正平阮嗣宗

懷古

四郊群望似崩雲。漏鼓聲高未忍聞。燕在舊堂泥跡寡。
麋遊新苑塚花分。民田三限無耕種。責賦九州半壤墳。
縣令欲徵天子稅。古釵何處買牛耘。

莆風清籟集卷三十六

林 白一首

字了白一作崇禎中布衣有香山集

蘭陔詩話了白善畫馬適意山水每有得趣即
書敗葉中

野景

兩餘樹色翠。家到處張筵。繫釣槎魚鼓。浪聲溪不斲。
午風香送早禾花。

方 錄一首

字章崇禎太真又號金人崇禎中諸生有紅珮

蘭陔詩話崇禎己卯秋草鼓與第八公駢微全
閩修社荷亭素魄當空美姬前酒柔絲急管響
木動林木士大夫聞之以為建安蘭亭再見洵豪
舉也

九日社集紅琉璃

高懷應與太華平。同憶渡江涕未晴。無數火雲天外皎。
幾莖青蓄醉餘烹。譚深容易東方曉。舞罷招搖獨鶴橫。
白露伊人予一坐。蒹葭不向溯遊清。

余光一首

字希之。颺兄崇禎中諸生有耐庵集

秋懷和林羽伯韻

蒲風清籟集卷三十六

十三

獨有騷懷老不刪。悲秋魂越沅湘間。雲飛已失蒼梧道。
泪滴欲沾帝子山。何處掃愁江月白。千年流恨土花斑。
漫傷團扇淒風候。也障玉顏清影閒。

曾世爵一首

字叔初。號乖崖。楚鄉子崇禎中諸生。有此山集

蘭陔詩話叔初早卒。鄭牧仲稱其詩集比之佛
家舍利仙。家金丹點滴之光。千年不敗。予閱其
昆仲詩多拗字僻句。各錄一首以存豹斑。

木綿庵

豔冷遺人恨。西湖與此庵。平章憑蟋蟀。禦寇只黃柑。忽

舍歌姬去空隨縣尉南杭州秋後曲山鬼至今慙

徐胤鉉一首

字羽昂號礪史崇禎中諸生

秋懷和林羽伯韵

四山一夜起秋聲。萬木孤居擬竹城。水閣曾容新漲入。
草堂原是覆茅成。杜陵風雨愁無睡。鄭國魚龍鬪不清。
君看雲中如雪鶴。空天豈為失群鳴。

林環一首

字台正崇禎中諸生有簡園詩集

蒲風清籟集卷三十六

十三

蒲風詩話台正同遊諸君皆或述吟獨能不墮時趨取材於漢魏六朝亦磊落之士也

林門有車馬客

門有車馬客。車馬何軒。問是故鄉人。披衣不及殮。延
容登我堂。稍。叙寒温。客心乃自悲。對我泪傾盆。云當
出門時。辛苦猶宵奔。故族已凋喪。親戚無一存。魏。舊
第宅。蓬蒿翳其門。昔時歌舞地。今日聆清猿。君家有邱
壠。狐兔遊其原。還憶平生親。跡往惟孤魂。聽此未及終。
氣促聲已吞。勸客飲此酒。感慨涕盈樽。

翁渭二首

字清夫崇禎中諸生

黃州赤壁磯

黃州赤壁磯。不見當年水。斷碑橫其巔。慘日黯雲起。江
濤薄暮流。城空人畏鬼。洞簫何處聲。安在哉蘇子。

清涼山晚眺

薄暮清涼山。更幽懸空一望水。悠悠帆飛鳥亂林。樹
日落烟封白。下樓淅澹衰蓬枯。遠阜蕭疎短笛冷。孤洲
六朝瞬息興亡事。懷古何人獨有愁。

蕭舜苞一首

蒲風清籟集卷三十六

十四

字文若崇禎中諸生

過宋玉墓

文人埋骨地。馬亦解遲留。剝落碑間字。淒清暑外秋。因
師生涕淚為楚話。風流何處無芳草。且獨此邱。

林符來一首

字祖祝號李白崇禎中諸生有鼠吟集

大岫山仙祠

山勢連天迥。周遭亘海齊。門臨波影蕩。逕轉蓋花迷。石
峭泉孤咽。松稠靄共依。仙壇塵跡少。欲此結幽棲。

林質五首

宇幼藻號鮮民崇禎中布衣有語稼堂集

蘭咳詩話幼藻早孤年十二作孤兒賦先輩稱
之避地汝南時歲飢民相聚為亂幼藻椎牛結
壯士三千討平之太司馬盧象昇聞其名辟為
叅軍短衣帕首率壯士擊賊戰無不克盧公欲
官之力辭歸會汝南盜賊蠶起制府聞其歸從
而問計幼藻曰破賊易但需免死牌數萬耳
許之遂單騎至賊營諭降賊帥憚其威名就撫
者萬人盡贖其罪使還攻勞岢山平頭塢獲渠
魁郭三海降其衆萬數千人旬日之中勦舞汝
必諸盜悉平巡撫李仙風辟署叅謀不就因置
酒會父老焚數千金貨券飄然回莆與同嬰等
結社唱酬復游山林以老有奇士而不見用
甚矣科目之限人也

莆風清籟集卷三十六

十五

晏坐

晏坐衡門掩青苔一巷空江城萬里外浦樹暮鴉中歲
儉依仁政鄉貧尚古風微才何足數只合隱牆東

晉安大中寺訪鄭周臣

寂寞向招提城隅春日西飢鳥僧共飯新燕客同棲詩
老多禪語書頗似醉題因君居止近樽酒夜相携

賀公調先生首建開堂之策盧制府請于朝而力
行之厥績告成為賦誌美

護塞軍書急營田使節勞春星隨露冕野雪灑霜刀報

國輸肝膽憂時換鬢毛。猶言經濟淺，曾未補秋毫。
舟中早發即事

十月吳江徹夜涼。舟人起掃滿船霜。紅顏少婦工搖櫂，
爭聽歸潮不作妝。

半夜西風白浪乘。孤舟未曉發昆陵。洲塘月落蘆葭亂，
賴得江明不用燈。

陳岳一首

字有五崇禎中布衣

舟過金山

昔風清籟集卷二十六

十六

挂席橫江渡。山從水面浮。勢連吳苑夕。氣肅海門秋。古
剎標中島。層城鎮上游。幽懷何所寄。釣艇傍沙洲。

林應麟一首

字未詳崇禎中布衣

過朱丞相故宅

丞相門前行客少。五侯山下草萋迷。蕭蕭廢宅愁風起，
寂寂荒郊落日低。精衛久從邊海去。子規空向故山啼。
傷心此際頻惆悵。千載芳名孰與齊。

黃鐘選一首

字公乾崇禎中諸生

蘭畝詩話公乾滄桑後棄舉子業賈市中日
得數錢即召隣友痛飲悲歌所作詩秘不示
卒散佚弗傳

西湖

湖心亭畔柳依依。十二鴛鴦作隊飛。
瑟瑟波紋風乍起。佳。人。初。試。杏。羅。衣。

方一夔二首

字仲將號懷素崇禎中諸生

洪皓

昔風清籟集卷三十六

十七

遁冷山中苦。年經十五歸。差稱蘇屬國。亂子有遺譏。

方信孺

三使北庭中。辭嚴敵已窮。至今聞伯叔。祠下說忠精。

林士雷一首

字武雷號東士崇禎中諸生

錢唐旅舍

蕭條頻計日。羈旅漫因風。江舍暮雲近。飛帆秋色中。逢
城舟屢換。愁病篋將空。茲別同行客。分程入甬東。

甫風清籟集卷三十七

海鹽晏鑿槐雲

侯官林人禠有五

叅訂

里中後學鄭王臣慎人一字蘭陔輯選

受業永福鄒璧子丹校閱

三十

余懷十九首

字澹心崇禎中布衣有研山堂詩鄧孝威云澹心詩純以氣

象勝是初唐宛宋之遺蘭陔詩話澹心流寓建康嘗賦金陵懷古詩王

甫風清籟集卷三十七

阮亭嘆為不減劉賓客又嘗作板橋雜記述曲中事甚悉自比夢華錄其詩清而能麗綺而不靡明季吾鄉詩人莫能與之抗衡

溪宿

秋月涼於水。秋水清於月。水月漾空明。寒光浸肌骨。竹

雞。叫青林。山鬼啼翠樾。坐令悲秋人。一夜生白髮。

愛此溪上橋。繫纜橋邊樹。水花白紛紛。披枯藤。挂秋雨。前

鳥沙際。飛歸飛不知。處習松風閒。携琴自來去。

茗溪四時豔歌

蕭岩發香噴。玉風篁按地敲。新竹雪水分流合。四溪

淺草茸茸遍山谷。文舸擁酒看桃花。綠葉青。是我家。
屋裏鏡奩藏小鳳。門前楊柳散啼鴉。

錦旗霧暖遮團扇。膩藥蟠花覆冰簟。燕語雕梁剪綠雲。
鶯囀別院。搖紅綠。鱗如車輪。箭如斗夾山。錢山浪西吼。
柳暉。逍遙杜牧狂。項王馬埒飛劍光。

我有玲瓏秋玉珮。贈君篋中三尺水。桂華爛漫相娥愁。
飛入兵潭。打蛟起烟梧。露井隔銀塘。美人彈箏坐曲房。
倒轉天河寫明鏡。碧湖射落青天影。

冷光融。碎銀浦。龍堆積雪凍呀虎。一郡荆榛曉午鷄。

苦風清籟集卷三十七

二

小槽滴瀝傾雲母。金爐煨芋墨花寒。博貂披裘迎彩鸞。
千峯萬峰。半夜白賦成。枯樹歸未得。

遊慈南屏靜寺

小雨催孤櫂。湖南別有天。幾家臨水住。一壚倚山懸。聲
出花邊磬。香沉樹杪泉。絳衣渾欲冷。高屐破雲煙。

喜林衡者采白下

萬里冰霜路。青衫染淚多。傷心觀壁壘。舉目異山河。
海月侵詩卷。吳船掛釣簑。六朝花落盡。待爾一悲歌。

御者自虎林來同諸子晚集朱子葆山樓仍用前

故國干戈滿窮途。風雨多有心翻地軸。無計挽山河。潦
倒悲。鬢髮生涯寄一簑。相逢紅豆落猶唱。蟋蟀歌。

送錢李水之武昌

負賤方知別更苦。亂離真覺此身難。丈夫長揖出門去。
幾處孤城駐馬看。楚水落花官舍迥。吳山新月草堂寒。
愁來共憶諸兄弟。好把雙魚託釣竿。

贈秋浦劉興父

辛苦驅車到舊京。臨風擊涕說平生。身嘗戰鬪空存骨。

昔風清籟集卷三十七

三

家為饑寒已廢畊。何日涉江蹇杜若。有人閉戶種蕪菁。
暮雲荒遠長干寺。臥聽秋堂蟋蟀聲。

別剩人還羅浮

萬里孤雲返故關。一帆春草渡江灣。幾年浪跡干戈裏。
何處藏身瓢笠間。愁聽笳聲吹白日。苦留詩卷伴青山。
羅浮此本非吾土。須把蓬茅手自刪。

酬姚僊期

別來無夢到家園。哀草斜陽醉玉敦。萬里冬青啼杜宇。
幾年秋淚泣東昏。江湖僧蠟寒歸寺。兩雪人家夜閉門。

莫歎。蓬頭髮改荒鷄猶自叫。劉琨

金陵雜感

六朝佳麗晚烟浮。擘阮彈箏上酒樓。小扇畫鸞乘霧去。
輕帆帶雨入江流。山中夢冷依弘景。湖畔歌殘倚莫愁。
吳殿金釵梁院鼓。楊花燕子共悠悠。

自畫溪經三箬入合溪

画舫風入畫溪秋。高天濶五峰低。綠蘿僧院孤煙外。
紅楸人家小閣西。箬水長清魚可數。篁山將盡鳥空啼。
桃源彷彿無尋處。楓葉紛紛路欲迷。

昔風清籟集卷三十七

四

南鎮

雄鎮南天典秩宗。廣門敞側對爐峰。數聲黃鳥曉修竹。
十里江泉帶古松。斷澗水枯堆木葉。亂山雲起削芙蓉。
烟橫黛溼秋空晚。曳杖迴帆聽暮鐘。

吳門雜感

搔首紅闌七十橋。鬪鷄陂下草蕭蕭。無端醉擊雷門鼓。
潛向花陰哭海潮。茂苑樓臺接五湖。蓴絲菱片野雲孤。烟波一棹鳴戛子。
閒對西施話沼吳。

紅羅亭下寫蛾眉。蕉萃江南刻襪辭。依舊齒園綠。胡蝶
春風吹上木蘭枝。

方元會一首

和字仲極崇禎癸未進士官山東道監察御史有

澹園集

於懷

幾回踈雨濕垂帘。馬首西山隱半尖。國士相看驕郭隗。
美人何處夢江淹。丹楓日落紅塵迅。青草烟浮白浪添。
極目不堪頻竚望。誰憐旅夜獨巡檐。

莆風清籟集卷三十七

五

陳瑜如一首

字瑾儒崇禎癸未進士官內閣中書舍人累遷

太僕寺卿

咏海棠

皎日新晴恰映牕。昨宵清露濕殷紅。輕盈絕似初粧艷。
綺翠疑從落剪刀。鄭谷有情看不足。杜陵無句恨何窮。
行嗟砌畔終難擬。脉脉含愁對曉風。

余一首

守世南崇禎癸未進士

送人之三山

遊子輕行色。單車出郭殷。傾人惟意氣。發篋只詩文。雨
暗江村合。花稀空路分。越王臺畔草。春事正繽紛。

林嶺十三首

字小眉號蕊齋簡弟崇禎癸未進士歷官禮部

營膳司員外擢禮科給事中死于難有螭螭集

蘭陵詩話小眉幼有聖童之譽為人磊落負奇
氣後從朱相國起兵及師敗被執在獄中草絕
命詞三首嘔血數斗而卒其詩取法青蓮當時
詩社中之巨擘也

首風清韻集卷三十七

五日歌將有吳越之行示同志數子

六

世間奇事那有此。五月五日競百戲。書符掛艾日紛紜。
終然不救屈原出。天風迴林莽。虹蜺倏卓地。抗手手難
挽。振足欲登真。僊霸皇安在哉。蒼茫且一問元始。日
者歲之庚寅。寅前我初下。降命以延北斗。為我傾神漿。南
斗為我挹醴泉。共言我當以樂死。何期拔劍向青天。楚
湘雲飛九派雨。鼉鼉。夜對語。眼前鬼物慣噬人。孰
在中野遺譴怒。海中有修魚。我行不得以為附。海上有
若木。我行不得以為傅。披髮呂梁在何方。蜿蜒中流鼓

洪霧。對。珠。揚。灰。馱。耳。窘。步。白。榆。摧。薪。縞。絲。改。素。下。國。難。
容。匪。人。善。妙。此。方。何。怨。彼。方。何。慕。湘。女。漢。娶。俱。躑。躑。願。
言。此。去。造。天。路。

越王臺

水。國。何。季。闡。中。央。架。碧。臺。靈。炬。不。可。見。遺。跡。白。雲。開。宮。
樹。叅。天。出。江。馬。逐。霧。來。至。今。穉。色。裏。環。珮。玉。聲。哀。

以爲歲寺後圃

華。髮。今。猶。未。紫。芝。尚。可。求。擎。崖。千。百。樹。帶。岬。兩。三。舟。
松。子。吹。清。畫。桐。花。約。暮。秋。東。華。與。少。室。何。處。可。同。遊。

昔風清韻集卷三十七

七

積雨

虛。堂。慢。卷。夕。雲。遲。何。事。五。疇。始。及。菑。埜。艇。經。時。隨。泥。鴨。
春。塘。思。月。送。鮒。鷗。山。中。自。給。十。年。藿。雨。後。更。巡。昨。夜。葵。
處。、寢。園。纔。着。色。南。屏。空。翠。莫。相。疑。

大堤曲

艷。陽。隨。時。變。東。風。來。拂。面。粉。隊。各。成。行。入。花。忽。不。見。

江行詩

不。識。蕪。城。路。誰。憐。江。畔。焮。芙。蓉。沿。岸。發。此。地。即。揚。州。
小。港。纔。通。市。孤。亭。不。礙。山。杜。鵑。唬。竹。外。別。有。巴。陵。灣。

林密迷燈火。江深隱酒家。河豚初上市。蘆笋尚含沙。
長腰皆楚米。小鱸是吳魚。莫訝並船出。且欣軟飽餘。

過揚州吊超宗

短筇忽吹過揚州。臺下瓊花已不留。日暮無人來繫馬。
息因終出西頭。

經葉白生故居

猶憶當時笑語麤。斜門月掄可連呼。長卿徑脫羈囊去。
賸得桃花上酒壚。

冬日和君十

黃風清巖集卷三十七

八

冬來三徑絕朋從。恠爾遨遊嵩少峰。特地飛花飄玉壘。
不妨杯酒倚芙蓉。

古燕公

東郭先生久閉門。莫從酒社置清尊。臨籬蜨蛺雙舞。
好逐粉花過短垣。

黃延範一首

字爾衍諫卿子崇禎中諸生

蘭陵詩話爾衍聞其父殉節于蜀徒跣奔赴。蘇吟三十首以抒其痛竟以毀卒。此種詩教。色慘一字一泪工拙非所論也。

蔚吟

片帆泛々當居廬。易險休爭疾與徐。剩有斜飛閩海雁。
久無尺素錦江魚。已孤始解劬勞句。止淚難披手澤書。
盼々西風今不遠。含情猶憶駐帷車。

林濟芳一首

字公哲號長源崇禎中以祖堯俞應磨官梧州

和府

移居白沙

溪堂一堦足雲霞。小隱孤邨又白沙。也有小橋延鶴跡。

首風清籟集卷三十七

九

旋裁嫩柳拂魚叉。石田流水高。依堰橘柚寒煙遠。近家
更指北山飛逸興。盈々衣帶任浮查。

鄭文一首

字牧仲涇子崇禎中歲貢生有南泉摘草

蘭陔詩話南泉湛淡經術所著有明易史統南
華十傳、善折衡偶筆寓騷孝經心箋等書宜
黃石齋先生有飛菟之目也詩自關蹊徑多奇
峭幽僻語其文太青王季重之流亞歟今擇其
醇正者錄之

早起

溼露滿楓林。披衣拂素琴。鳥嘯殘月隱。人語野烟深。乞

火烹沉水梳頭擁短衾。今朝風日好。花氣上庭心。
秋日和李聖水韵

閒雲亦可愛。冰雪淨荷衣。遠浦風吹雨。新秋熱漸微。竹
牀多蟋蟀。菊屋盛蜘蛛。蟻為有蘭香在。幽心負釣磯。

銅雀臺

漳水長流鳴咽聲。銅臺夜靜百花明。平生兒女英雄淚。
化作三陵風葉鳴。

松栢蕭蕭。侶有情。夢回月白枕邊聲。登臺一望秋如水。
輦路蛩啼落葉平。

青風清籟集卷三十七

十

黃金宮殿碧琉璃。舞罷潛々不自支。玉座已空煙滿眼。
蒼落石鼓鷓鴣飛。

鄭郊二首

字奚仲郊弟明季歲貢生有皆山詩集

蘭山詩皆山博學多識與兄南泉齊名所著有
易湖春秋二書微諸書行世

寄六弟

年來常別爾。不覺泪盈襟。貧賤已如此。亂離直到今。棣
華空拉蒂。池草冷成陰。最是愁人處。臨歧風雨侵。

過吳廢宮

宮殿基猶在。英雄氣已消。可憐楊子月。夜夜照江潮。

湖上竹枝詞

蕙帶蘭橈隔岸迷。嬌歌急管亂鶯啼。遊人不解江南調。獨唱陽關月影西。

林氏表四首

字叔峴。號省庵。元霖子。明季鄉薦。有欠山詩草。

蘭坡詩話。省庵工書法。鼎革後。閉戶著書。與劉百劇。黃應陶。戴鷹公。陳黑齋。鄒竹邗。黃遇。潭柯。取園。結遺老社。互相唱酬。多行國無聊之語。可比月泉吟社。

秋日遊蓮山訪非權西堂

蒲風清籟集卷三十七

十一

秋聲搖小艇。足力杖枯藤。松徑雲中寺。蓮山下僧。鳥啣供客菓。蟲響看經燈。信宿寒窓靜。倏然萬慮澄。

著島呈性空上人

魯門鐘鼓駭鷓鴣。放翮天游霄漢如。晉國九人惟重耳。秦庭七日執中脰。縱觀時事升沉日。靜識天心消息初。去望祖陵休灑淚。青青北固未全墟。

巴江雪中訪少堅和上

野性惟耽麋鹿群。幽尋未惜雲絲紛。路迷遙踏鐘敲去。梵響時參鳥語聳。萬竹蒼中僧打壺。一筇松際客敲門。

主人莫愧無供給。盡日流連足水雲。

從為松僧乞菊本

閉門土室似虛舟。不向人間更有求。此事傷廉君莫笑。
揮鋤早乞老僧秋。

黃天翼一首

字升公一字應陶號退庵鳴後子明季鄉薦有

式愚堂集

秋懷

斗柄西移萬象陰。商飈擊筑震寒襟。琵琶撥盡仍無調。

蒲風清籟集卷二十七

十二

七首操來尚有心。人影秋深同落葉。海潮夜漲入平林。
馬蹄鯨背長相負。淒切城頭急暮砧。

柯炯一首

字必仲吳子號恥園明季諸生

感懷

老去閒身似野僧。尚餘白髮影鬢。將無敗絮慙兒子。
豈有翹弓畏友朋。抱甕負薪容我拙。聚沙畫壘讓人能。
寒山茶筍饒清況。百尺懸冰徹底澄。

柯姓一首

字得朋一字更生晁孫明季師薦有辰已草

蘭陵詩話更生論詩詆鐘伯敬為無學無識可稱卓見其詩多憤懣譏刺之作人或誦之答曰當板蕩之日而為拳阿鳴鳳之什可乎

賣衣

總是塵寰落莫人從來結綰罕相親解衣不為酬韓尉
奇服偏能撓楚臣曳屣歌商猶自遠波表入夏未全貧
會須此日奇窮甚何處温風可避秦

戴揚烈七首

字應承號鷹公明季鄉薦有嘯碧樓集

鄭牧仲云應承

昔風清籟集卷三十七

十三

詩有性情非浪作者
蘭陵詩話應承鼎草後自稱無功子築一小樓
額曰遯山坐卧其中十餘年不下親串罕見其
面詩多鬱轉侘傺之音

遠別離

遠別離乃在蜀山之頂瀟湘之湄湘水茫々流不還蜀
山夜々嘯子規我登蒼望峨眉黑霧濛々朝阻之恍
忽招魂心怛悲心怛悲兮魂難期哀帝子兮不我知斑
斑竹泪滅何時

梁甫吟

梁甫吟抱膝悲公孫田冶三壯士齊相殺之如小兒燕

長劍光陸離。南山白石何巖巖。舜有天下堯禪之。黃帝

飲酒

一日不飲酒。肝腸何處懸。吾惜比干竅。何如混沌全。醉
地卧碧草。舉頭看青天。欲化蝴蝶飛。精神尚牽連。思此
仍難泯。安得合自然。

手持北斗柄。挹彼東溟波。一口為吸盡。醺然見天和。懸
天覆羅蓋。支牀駕巨鰲。長睡枕五嶽。此樂萬年多。

失禹惡旨酒。勤勞拾寸陰。孔聖憂時人。入寢不安衾。而

首風清籟集卷三十七

十四

我胡為者。以醉空古今。崑崙莫知高。大海莫知深。呀
聾見氓狂。歡樂我心。

鳳凰啄琅玕。九草不入咽。蚯蚓堯壤泉。無知自飲。寒
山真鉞夫。萬古吞霜雪。我持一杯酒。泪灑中腸熱。寒
夜何如孤燈耿。不成。

和陳卧子秋暮雜感

萬里霜天畫角哀。孤蟾對客共徘徊。清砧響落關山外。
孤鴈影從邊塞來。白日空沉魯仲海。秋風恨上李陵臺。
夜深更取離騷讀。一吸長鯨酒百杯。

戴因之一首

字叔環明季歲貢生

山居步朱亂岡韻

何事頻年一片心。松蘿無語自沉吟。憂時畏見鴻遵野。
決計徒悲鶴在林。荒徑盡開無問字。空山夜靜有知音。
幾回借取携來韻。捉筆還應話素襟。

戴嘉璜一首

字叔夏因之弟明季歲貢生

題南泉

青風清籟集卷三十七

十五

庭前群峯青籬東。叢菊白高人在此間。天子不能客

戴貞會一首

字叔中明季鄉薦

蘭陔詩話禹莘後叔中隱居深山著有山居內
外篇七函彙輯明季高士傳甲申殉難諸臣傳
藏于家

懷林能任

雉壇名宿孰堪倫。幕府于今仰上賓。王粲登樓皆賦手。
杜陵有詠半懷人。當年意氣深杯夜。此際流離獨客身。
想得良辰官閣裏。可能憶舊一通津。

劉克章 一首

字陶九明季鄉薦

蘭陔詩話陶九精易理隱居百原山中會山寇欲屠兩岩挺身往諭之衆賴以全爭歸田為謝堅拒不受鄭成功聞其名修書幣請見力却之入比諸陳聘君云

寄無可方先生

已矣復奚道。滔兮不可還。乾坤存一老。瓢笠寄千山。易向艱危悟。詩同冰雪看。不知巖際月。照破幾蒲團。

陳玉崑 一首

字夢伯號嘿齋明季諸生

昔風清贛集卷三十七

十六

蘭陔詩話嘿齋高蹈之士戴應承贈之以詩云梅福潛身猶在市子胥欲出渡何關其詩亦景渡之流冰也

送柯恥園遠遊

銀河倒瀉衆星流。擎筑浩歌送客遊。急浪莫將孤艇渡。名山多向白雲求。倏多難肱猶折痛。哭同仇淚未收。可惜雙姑傳舊壘。祇今零落荻蘆秋。

林昂霄 一首

字君若號君山明季歲貢生

辭墓詩

側身天地自裴徊。謝涕耘頭媿老萊。謀國未能空有恨。
著書無補漫言才。不聞執紼遊中韻。猶記授經膝下來。
欲擬招魂已斷。秋風蕭瑟助悲哀。

鄒逸一首

字竹可號涯西明季諸生

蘭陔詩話竹邛高尚其志詩多拗僻擇其清暢之作以存一斑

同劉百原陳黑齋過蘆峰訪林樗樓和韻

萬事淡於秋。同來訪秋景。蕭蕭遠谷煙。渺渺浮雲影。聽
到蘆峰鐘。儵然俗慮屏。何意樗樓子。更話濠梁境。諸公

首風清籟集卷三十七

十七

靜忘言如聖。籟月冷回頭。萬卷書誰從。當下省多年塵。
土中踪跡歎萍梗。此日晤良朋。汲澗壘修綆。徘徊白日
暮。殘霞挂西嶺。嘉會不可常。茲樂當共領。

高日章一首

字子齊號政菴明季布衣

霜降日同柯取園登高

懸崖東望海潮生。斜日登臨眼倍明。恠石幽禽時作伴。
閒花野草不知名。三秋風急江楓冷。九月霜飛塞鴈鳴。
但得煙霞消俗慮。酒壚聊共一杯傾。

鄭重 四首

字山公明季布衣

蘭陔詩話徵士與建安少司寇同姓名其字亦相同而出處不同唐王嘗徵授職方主事辭不就隱居荒村以著述自娛吳黃生稱其詩秀飭有矩矱

雁字

詖蕩天門羽翮聯。清秋慣把旅懷牽。何人揆藻凌霄漢。
幾度書雲紀歲年。湘浦月明文錯落。衡陽風急勢迴旋。
蟲經鳥篆誰能識。知在危巖未畫前。

漂母祠

青風清籟集卷三十七

十八

一飯猶思報君恩。豈忍忘可憐。鐘室裏千古恨。高皇

建溪舟中

千峯如畫夾前溪。煙靄蒼茫望轉迷。鳥道紆迴人跡少。
鈎磔格鷓鴣啼。

江郵

道鞋僧帽與儒衣。閒坐江頭看夕暉。紅藕洲邊鷗鳥起。
隔林人語釣船歸。

莆風清籟集卷三十八

長洲 汪道謙自牧

叅訂

建陽 傅克欽梅臣

里中後學鄭王臣慎人一字蘭陔輯選

受業會稽周 灝小素校閱

國朝

方祖玄 九首

字翼祚號心水萬有孫崇禎中恩貢生順治中
官懷遠教諭有夜光堂詩集

莆風清籟集卷三十八

蘭陔詩話心水精楷法詩亦清綺

集迴瀾閣

林巒空翠暝。振袂獨登臺。曲逕花陰轉。澄瀾樹影迴。停
雲窺徙席。落日命飛杯。未忍鳴榔去。涼風松際來。

懷曹能始

西風倍蕭颯。落葉慘離顏。玉塞鴻初度。金谿客未還。秋
聲催白苧。暮色點蒼山。同作天涯別。偏令鬢易斑。

送余世鄉入蜀

搖落當秋盡。那堪此送君。鄉心千里月。客夢片帆雲。雁

影湘南斷。猿聲峽裏聞。壺蘭招隱地。須念北山文。

九日集烏石山

高城秋色帶崇阿。路轉三峰躡屩過。嵐氣溼衣寒積翠。松風吹酒綠生波。經時落木斜陽遠。回首浮雲故苑多。此日弟兄登覽處。紫萸黃菊奈愁何。

青樓曲

美人家住五陵東。淮水門前曲。通簾影。半邀金市月。簫聲閒度。玉樓風。舊翻小扇桃花碧。新製單衫杏子紅。十二闌干千樹柳。不知何處繫青驄。

昔風清籟集卷三十八

二

樓上女

盈。樓上女。鈎簾語新月。長。願蛾眉。織。莫教鸞鏡缺。

秋日蔡調中邀全高鼎伯薛羽元游長溪分體

溪北溪南紅樹山。前山後白雲。收笛參差斷隴。漁歌款

乃斜曛。

蒙。楚。數聲。絡緯。溪塘一色。靡。蕪。桂。月。團。於。秋。扇。榆。星。明。侶。夜。珠。

小桃源

十里清流兩岫山。紫煙紅樹鳥間關。重來猶恐仙源誤。

須記桃花第幾灣。

林輝章 一首

字繼袞崇禎壬午鄉薦順治中官鞏昌知府

秋雨嘆

仲秋之昏自巖。巒。灘。江。白。鼉。吼。惡。水。曉。來。洞。壑。雲。朦。朧。
吹。落。千。絲。觸。石。起。筋。竹。枝。亞。庭。婆。娑。枕。榔。樹。暗。山。包。羅。
吁。嗟。豆。花。雨。不。輟。祇。恐。麥。化。飛。為。蛾。

吳養浩 二首

字孟甫順治中諸生以薦授內閣中書舍人歷

蒲風清籟集卷三十八

三

官戶部員外有卜榭閣集

蘭陔詩話孟甫工小楷嘗摹醴泉銘刻石行世詩亦華贍

八月燕市送柯明經回莆

離筵引滿醉顏醜。君別金臺奈我何。太液芙蓉嗟寂寞。寧
新豐楊柳嘆婆娑。誰飄玉笛雲中曲。空聽霓裳月下歌。
遊屐祇今知已倦。木蘭秋水正微波。

林十叟至燕賦贈

詞客何來賦帝京。鳴珂滿陌耳爭傾。當年意氣今猶在。
此地悲歌感易生。小苑獵回黃霧合。狹斜人散暮烟平。

夜談拍案燒高燭。金掌遲。度月明。

林友王 九首

字二史號容庵順治戊子鄉薦官應州知州有

榕樓集

蘭陔詩話二史詩清真秀潤源出大歷才子其弟西人俱擅詩名頃麓迭唱文采橫飛比之四皇三張差不愧云

寓吳山雜興

日落青蘿徑。野鹿啣草去。此山在人境。篁竹生幽處。碧
葩綴深林。曲澗互奔注。石氣亦玲瓏。青蒼如帶雨。真人

昔風清鏡集卷三十八

四

火蠟蛻。蕙帳空垂御。寂寞三茅君。頽垣傾古樹。但聞松
風生。習。振鸞馭。延步向空庭。齋心庶或遇。

嵇侍中廢祠

寂寞滂陰道。天空鴉鵲飛。近階荒草積。入殿夕陽微。碧
水猶。臣血黃雲憶。帝衣忠魂尚未化。風雨共誰歸。

古廟

野廟平原側。蕭條自古今。蒼簷通日色。碧及落雲陰。鬼
火空房肅。人家伏臘沉。不知何代栢。日暮尚森。

江村雜興用楊孟載韵

地豈桃源避。身仍草閣居。六經秦火後。三策漢廷餘。跡已漸高鳥。才應老蠹魚。數椽風雨蔽。賴此昔人廬。鶴放遠空回。天低一水隈。夕從雲卧冷。朝起鳥鳴催。謫宦人如柳。逃家尉姓梅。沉冥同晦跡。野老亦堪陪。

秋日郊居雜興用楊孟載韵

村原連遠景。水氣接層陰。堂捲蘆簾靜。江環草閣深。盤餐供白鱠。園粒啄青禽。宋玉悲何事。幽居獨素心。為愛靈巖寺。溪迴隱小橋。一聲磬發。萬慮野烟消。霜柯寒。收子園。蕊細作。苗老僧兵革。後東壁掛孤瓢。

蒲風清籟集卷三十八

五

送翁旌士游湖南學使幕中

河梁遲握手。天際邈停雲。直上峰千仞。時看雁幾羣。蒼梧悲帝子。野竹泣湘君。仙佩臨縹緲。清歌可再聞。

自皖歸過金陵重晤孟六珩先生

煙波萬頃獨鳴榔。天際歸舟漾日傍。桃葉渡頭春水綠。雨花臺畔石苔蒼。故園寂寞沉魚雁。旅食蕭條典驢。為憶當年吹律者。曾令幽谷遍陽光。

林賓王五首

字穆之友王弟順治中諸生有秋樓集

蘭陵詩話穆之送友遊雲中詩有先朝綺麗
千戶事凄凉十六州為人所傳語玉虎弄序
其集祥之

古別離

離別遠難期。淚逐車塵裏。紈扇值秋風。棄置從茲始。君
如溝傍水。分流任東西。妾如園中樹。隔落祇一蹊。持妾
樹中花。照君波上月。形影兩迷離。芳輝徒隔越。人生頻
聚首。尚作白頭吟。况此違千里。誰能保寸心。切復淒
淒。高飛黃鵠齊黃鵠。猶回顧君情。那得睽。

陽臺山神女廟

蒲風清籟集卷三十八

六

丹花碧草綴層岑。寂々荒祠尚至今。神女杳茫寧薦寢。
侍臣託諷孰知音。雨飄古壁龍車斷。雲黯虛堂玉佩沉。
踪跡徘徊看泯滅。唯餘文藻動追尋。

江梅妃

千里春江濯錦新。蛾眉一進六宮嬪。寧知梅畔承恩日。
翻作樓東失意人。玉笛猶懷歌舞地。珍珠莫慰寂寥身。
賦成空擬長門詠。惆悵難回玉輦塵。

春閨

垂柳亂鳴鶯。落花紛撼。簾垂不見人。深處聞刀尺。

春日寄丙

落魄他鄉作旅遊。遙憐感損遠山秋。文園未遇還為客。莫謾吟詩擬白頭。

余 弼 一首

字弼子一字素思順治戊子鄉薦官順德知縣

題劉陶九山居

為愛幽棲勝。山窩結草廬。雲橫樹影沒。風亂鳥音疎。砌壁依危石。烹泉汲小渠。有時還獨醉。長與古人居。

柯 詰 一首

青風清籟集卷三十八

七

字得恭號棘人景孫順治戊子鄉薦

題趙松雪咏菜詩後

幽人自有白雲糧。松雪何曾夢此鄉。忍向氈裘傾馬湏。爭如鄭史菜羹香。趙松雪咏菜有盤中野菜餘黃梁肉味何如此味長之句予謂松雪未忘嗜慾徒有言耳同時鄭所南先生嘗著心史中有銘曰布衣煖菜羹香詩書滋味長庶幾不愧其言

鄭 玉 汝 一首

字安叔順治中貢生

和林澹亭九日述懷韵

不覺秋深陶令家。驚心短髻染霜華。龍山老盡題糕客。

颺館荒餘益壽花。月暗機聲閒促織。寒摧木葉切鳴笳。
蒼然平楚時舒嘯。悵望伊人天際遐。

周龍德 一首

號庸夫。鯢孫順治中布衣。以子韓瑞封曲江知縣。

秋日閒居

地偏徑僻類僧庵。幾卷楞嚴坐卧參。不是比來疎世故。
十分秋事病居三。

林佳璣 七首

莆風清籟集卷三十八

八

字衡者。號履齋。順治中。諸生有東山集。

蘭陔詩話。衡者少擅詩名。有鸚鵡倚籠閒說夢。杜鵑對月憶前身之句。為人所傳。誦值閩中亂。游吳越間。與姜如須。吳梅村。金孝章。朱錫鬯。定交。梅村贈詩云。交際草荒書滿屋。連江人去雁飛田。後衡者客死連江。人以為詩讖云。

楊白花

楊白花。滿行路。行人辭故鄉。楊花辭故樹。行人日思歸。
楊花更天涯。二八紅顏女。掩袂旦暮悲。早知楊花飛。不
歸。不如長守霜雪時。

朱家嘴夜泊

蘆葦暮蕭。西風斷岬。搖雲封淮上。樹江入海門。潮孤
月鳴砧杵。清霜落板橋。金陵來往客。若箇憶南朝。

南方

南方。震動越嶺。久堪悲海內。親朋少。兵間道路遲。無
衣霜。落後不寐。月明時。孰伴城頭。柝烏啼向北枝。
音書能。不寄萬嶺。鳥空回。壁壘連三楚。乾坤動七哀。江
聲風正急。秋氣兩相催。日暮悲歆客。為歡暫舉杯。

夜

松風吹嶺嶠。寂寂散柴門。野柿垂霜老。江魚向月翻。山

青風清籟集卷三十八

九

村聞急碓。清夜自啼猿。屏跡依鐘磬。禪心尚可論。

登桐君山

日暮鳥爭飛。山寒轉翠微。空江人不見。自繫渡船歸。

候渡

小徑下沙行。孤舟棋子渡。雲寒滯不飛。獨立數江樹。

宋祖謙

五首

字爾鳴號去損順治中諸生

蘭陵詩話去損八分亞於比玉又精畫理陳章
侯胡潤皆稱其妙與周櫟園交好甚密櫟園
坐事辭連去損並連入都作寒鴉賦以自哀詞
意悲婉人比之駱賓王咏蟬之作

射鳥樓紀事為周櫟園賦

無諸海國一巖城。殺運開時未罷兵。劫火焚林嗚虓虎。
狂風吹浪舞長鯨。握竒誰奮丈人武。肅令應標君子營。
欲靖溪蠻思馬援。不堪篋裡謗書盈。
蒼茫江舶亂如萍。秋草就荒怨不青。泣雨碧梧悲謝豹。
吹塵白骨照流螢。花穿劍鏑軍聲盛。血濺刀環戰氣腥。
子相南塘堪跼足。烏山試勒燕山銘。

題畫

江堤柳色自依依。高閣連煙接翠微。蕭瑟蘄庭無意緒。

蒲風清籟集卷三十八

十

不堪客裡送春歸。

去國經年客望孤。雨餘新水夢平湖。未成歸計腸迴轉。
好似溪亭遠。轆轤。

瀟。疎竹嘯青谿。人坐溪窓草色迷。山雨欲來松葉暗。
隔林遙聽鷓鴣啼。

康

珽 三首

字君平號遲素順治中布衣有鞠通集

蘭陔詩話君平善彈琴故以鞠通名集

建溪雜興

為起東風上建溪。扁舟西泊暮雲齊。數家烟火青連郭。
幾樹榕陰綠繞堤。顏驥已無車馬過。夕陽何限鷓鴣啼。
名園金谷滄桑盡。惆悵伊人望轉迷。

采菱曲

湖水漲湖涇。薄暮湖轉綠。不見采菱人。惟聞采菱曲。

春日村行

雲碓千頭水自春。桃花短路重身非。谿口捕魚客。
何用沿途記舊踪。

林嘉績

一首

莆風清籟集卷三十八

十一

字祖烈順治中諸生

秋夜贈友

碧山秋老白雲橫。夢入桃源路不明。人世風波常險阻。
仙家樓閣總崢嶸。時懸菱鏡教鸞舞。自吸乾笙學鳳鳴。
薄命誰知三婦怨。月明夜抱銀箏。

林向哲

九首

字君十順治中諸生有甌離子集

蘭陔詩話君十博極羣書少以詩謁黃石齋石
齋稱其骨格蒼老神似少陵

智泉仙人歌

仙人神山不肯住。愛此荒人一片土。輓轡夜月冷古湫。
兔杵擣殘烟如縷。長鏐劇後癡龍愁。白石黃精傾玉乳。
我亦有園在冶城。僊人肯來當酌汝。

出郭

勝地不須徧。城南蕭寺邊。香風花徑席。春水柳橋船。野
色含邨雨。禽聲隱樹煙。相逢聽父老。稅急力原田。

暮入楓葉塘

仄徑陰將夕。猶行看釣灣。蟬聲涼過雨。人影澹空山。犢
返皆知舍。雲殘已閉關。移家如可卜。決意謝塵寰。

昔風清籟集卷三十八

十一

入棲隱寺

九月西山尚翠微。入林山徑轉依稀。小菴竹密惟聞磬。
隔嶺楓疎忽見扉。鷺倦獨拳秋水立。鴉寒爭背夕陽歸。
題詩為憶故人跡。更訪龍潭舊釣磯。

于祠

握衣此日百懷生。江左無公運久更。祠墓西湖隻少保。
朝家北狩一長城。君臣遭際身何惜。社稷傾危主自輕。
野老歲時歌舊曲。鷺鷥水上泣盈。

岳墳

遺廟題詩迹半凋。登舟買酒墓前浇。一杯難灑黃龍恨。
千載長催白馬潮。春雨鷓鴣加瑟。南枝松柏自蕭。
况逢時節當寒食。長使冬青感未消。

荔支

絳衣仙子老僊鄉。便落人間總異常。莫問肌膚真似玉。
核殘猶比小丁香。

鷓鴣

春雨濛濛江路斜。鷓鴣相對竹交加。似傳千載湘君恨。
啼落黃陵廟口花。

青風青籟集卷三十八

十三

雨中即事

青玉案中高士傳。烏皮几上水僊詩。紅花片。搔春雨。
文鳥雙。戲小池。

鄭宮蘭一首

字号先號念庵順治辛卯鄉薦官萊州推官

雨坐中巖

梅子方垂實。騷人喜盍簪。雲侵隻袖冷。煙鎖半林陰。隔
檻迷奇石。深林隱暮禽。詰朝天欲霽。更上嶺頭吟。

黃竹一首

字青士順治中授惠安訓導有讀書堂集

兀坐對石峯。靑翠常在目。最憐架上花。半入隣人屋。世
業多藏書。闕向花前讀。芳春昨夜鉢。薰風為轉激。鳴鳥
相周旋。清音似空谷。有客懶逢迎。聊且全吾璞。薄暮明
月升。偏能照我獨。

方元俞一首

字仲欽號欽之元會弟順治中歲貢生有我靈

堂集

送毛賈鞠先生

昔風清籟集卷三十八

十四

被褐行吟一布衣。年來風景已全非。王孫滿目愁芳草。
處士何心賦采薇。對酒樽中往事去。談兵紙上壯懷違。
顧瞻周道竟如許。日暮驅車雨雪霏。

黃士先三首

字爾器號器也改名鈍鳴俊孫順治中諸生

秋雨泊舟油潭

即此寒溪內。殘砧近故園。人兼秋作客。舟聚夜成村。野
曠西風厚。天低北斗尊。群鷗沙際宿。點點照黃昏。

宿附鳳岩

結屋微依石。危泉處處分。四圍聲是雨。咫尺影生雲。佛
火寒難定。山鍾濕不聞。老僧開闢事。指點向諸君。

西劉踏青

盈盈麥秀接青霄。幾點殘霜濕未消。春帶烟光藏野寺。
人隨山影過谿橋。偶然鳥語猶留客。何處梅花亦見樵。
童子不知風景異。燈光烽火共村宵。

方元珽一首

字仲嶽順治中諸生有陶園州

冬日登彌山呈璞公西堂

昔風清籟集卷三十八

十五

人生何異磨。蟻旋臘至。又看赴壑年。云胡不樂自憂煎。
大地擾々真可憐。豈如丈室挂層巔。日高樸被尚晏眠。
博山一縷香噴涎。曉花映日紅欲燃。嶺梅蓓蕾發新妍。
度林穿澗逼芳鮮。我愧二毛已及顛。譬猶頑石不受鐫。
公今道貌瑩如前。雙瞳炯々得天全。搜竒探勝恰輕便。
如擊竟夕盡真詮。安得勞生謝疲羈。長與茲山結淨緣。

方元相一首

字仲揖號信庵順治中諸生

漁滄溪坐釣

垂釣深溪曲。波紋細。風水清魚。辨餌竿動。鳥趨叢。漫
抱江湖志。聊藏草澤躬。何心期晚遇。敢說獵非熊。

林銘璜一首

字祖夏順治中諸生

九澗

興雪造雷

四字浮山
老人所題

蹟我今信所云。長隨臨水月。不逐

出山雲。百道湖光合。諸龕燈影分。虛空本無物。粉碎屬

聲聞。

青風清籟集卷三十八

十六



莆風清籟集卷三十九

華亭 張嗣炳虎文

恭 訥

同安 李渭竿東叟

里中後學鄭王臣慎人一字蘭陔輯選

同里 阮道南聘上 校閱

國朝二

楊夢鯉 三首

字南叟順治壬辰進士授青陽知縣有意山堂

集

莆風清籟集卷三十九

一

蘭陔詩話南叟工駢儷文復有穿楊之技率青陽日葦盜夜劫之南叟挾弓而出射殺數人益驚駭散去歸田後囊橐蕭然賣文鬻給好古玩貧不能致每見人所有摹抄不置輒曰贈弟何如至今莆中有南叟贈弟之諺亦韵事也 散佚僅存五言律一帙乃石璞澹崖二長老所輯者

別江南門人

臨岐長惻。江上漸不舟。杯酒故人淚。關山謫宦秋。孤雲辭浦口。明月夢池州。久被浮名誤。行藏不自由。

寄寓江南

寄寓漸無似。欲歸却未能。依人還。口守夜只孤燈。夢

盡關河。隔愁囚。老大增途窮。長下淚。羞溢向親朋。

村居

迢遞孤城外。松杉遠近隣。山看時送客。水酒歲留人。俗樸欣從簡。農勤少說貧。此間逢老父。談笑覺相親。

林正芳 一首

字茂遠。順治壬辰進士。授刑部主事。遷員外。轉

郎中。乞終養。有東林詩草。

蘭陔詩話。茂遠居西曹。翰獄多平反。晚年杜門。著書不預外事。士林重之。詩非深造。亦饒幽致。

客中坐雨

莆風清籟集卷三十九

二

二月江城冷。青烟帶雨遮。客衣催典酒。鄰火乞烹茶。濕燕愁還語。踈梨落尚花。淹留春強半。寒食倍思家。

俞遜 三百

字遜侯。號思園。維屏曾孫。順治辛卯鄉薦。第二

壬辰進士官新安知縣

蘭陔詩話。思園作宰。當亂離之後。安輯流亡。人被其澤。分校文闈。所得皆知名士。詩亦清婉。

泊楊柳青

何處垂楊柳。猶傳楊柳青。人烟連北甸。海氣識東溟。落

日寒原暮。春流遠棹停。數聲歌歎。乃獨客不堪聽。

丁字沾遇清明

潞河將入海。丁字向東陂。兩岸入烟迥。孤帆夕照遲。客途寒食後。鄉思落花時。忽憶故園柳。應垂金縷絲。

田家

一逕人烟水竹叢。幾家雞犬白雲中。原田初熟鄰春急。澗潦新添釣艇通。沙岸芹香飛燕子。汀洲蒲長沒鳧翁。此間嘯傲偷然足。風景依稀似瀼東。

周韓瑞

十三首

莆風清籟集卷三十九

三

字興仲號退菴。鯤魯孫順治甲午鄉薦。官曲江

知縣有頴芙蓉集

蘭陔詩話公宰曲江以治行聞將入覲未行尚逆變起窳伏蠻洞中數載始得還閩所著詩賦十卷雕板已失予購得公手錄詩一冊為釋滄歸所點定者澹歸乃前給諫金堡也錄存十三首庶一生苦吟不至湮沒無傳。彭先安人公之外孫女也。王臣十歲時學作詩。太安人述公緒論以教王臣曰。詩患不似古人。又患太似古人。學詩者先求合于古。而後求離于古。乃能自成一家。言彼時不解為何語。迄今思之。洵詩家之秘鑰也。

補屋

趨榮昧脂韋。避險缺飛翰。鎮日低矮屋。窄躡復蒙頭。薄

雲絕高拱。曲巷遂真休。一弓祇容膝。祿稀瓦未周。每苦
風雨宵。穿棟瀉衾裯。牀上集盆盎。堂除笑坎流。復如決
篩孔。米麥下颺。整斜支四壁。暗蟲聞啁啾。侵曉看頽
芻。曲蟪學蟀。蚍。爛書挈。頗重欄檻。涎蝸牛。百錢付買瓦。
免為淋潦憂。多蓋慮缺落。少攤漫遍抽。那知傾餘蓄。囊
縮已澁羞。借言是傳舍。閱人總寄郵。高門容憶蓋。一跌
竟繆悠。大厦雖忼懜。委心絕伎求。六情罷相攘。虛室有
天游。

罹羅詩

昔風清籟集卷三十九

四

罹羅詩有憾。陸地忽翻瀾。膽破如難怯。魂莽似鹿單。祇
知灰是劫。不信谷封丸。縱遂歸棲願。餘生亦已殘。

秦村聞角

金沙秦氏岸。碧草漢時村。休市常爭渡。罷耕早閉門。紅
啣山日墜。青抹海雲昏。莫易橫吹笛。羈人欲斷魂。

西邸

駝鈕親頒寵。晏朝石羊地。錯犬牙驕。城連帶礪。桐遮日。
殿瞰江村。柳拂橋。蠻女珠鞋。幫綉鳳王官。毅帽尾盈貂。
霸圖漸入人謀秘。強弩三千學射潮。

羊城九日

護軍武騎半封侯。許國還能雪漢羞。血冷紅冰身罷戰。
魂尋白骨夜呼秋。平蠻策拙遲傳檄。持節津荒滯置郵。
聞擷茱萸災可避。登山斜揀一消憂。
局室何殊嶽瀆遊。過雲泥露石門幽。身經劇病惟刪酒。
客倦登高獨倚樓。市集丹砂勾漏藥。帆回翠羽賈人舟。
骨貧恥向貪泉飲。焚牒誰能呼馬牛。

答朱肇周

若逢菊放即東籬。三道斜封印厭窺。腹不如囊難忍事。
骨能繞指易趨時。扶衰酒許杯中覆。引睡書携枕上披。
懶去逢迎真吏拙。莫因步履笑支離。

寄家朗寧

參錯蠻山削不齊。地開萬戶愈淒迷。綿羊幾陣窺牛鬪。
寒犬連宵學豹啼。瓜買鎮心三里店。酒沽軟飽五花溪。
蒙頭尚憶危途歷。破帽青衫手自携。

粵客杜子徽投詩

閒庭晝靜翳松蘿。小杜高軒喜見過。嶺嶠停雲來舊雅。
郢中詠雪動巴歌。三年記室鱗鴻少。一部詩情戰伐多。

苦。歷。蒼。梧。煙。雨。路。悲。笳。蔓。棘。近。如。何。

元夕鄭經侯枉過值雨至對酌

上元一雨竟如秋。駐馬啣杯慰昔遊。客戴南冠同繫越。人驚左袒欲為劉。燈花寂滅寒生怨。簫管輕圓散作愁。惆悵陰晴渾莫定。不知何處是扁舟。

和高澹人荒齋坐雨

細雨從教洗劫塵。離留懶起喚蕭晨。望迷瘴嶺三叉路。悶集荒齋四壁身。老縱多衣仍呼冷。窮當絕粒也安貧。鄙夫獨閉江城坐。何處還來玉笛新。

音風清籟集卷三十九

六

論夫灕江

鬢毛一白難還黑。岐路踰東又向西。斷梗何年身是住。灕江夜雨聽寒雞。

張相祠人景畫堂雨

金鑑曾勞獻至尊。不先殺賊恨猶存。紅蕖碧杜江聲暮。山雨霏。過廟門。

周韓起

四首

字聘仲號莘野韓瑞弟順治中諸生有秋容亭

音風清籟集

蘭陔詩話。野善畫竹。石自比王孟。端與仲圭求畫者。雖罄折至恭。勿與。或以金幣求。片楮必大詬之。性嗜荔子。每暑月。人令販子擔荔過之。輒飽啜。始盡。索值無以償。販子乃出綠素求畫。便忻然揮灑。跡雖近慙。亦自不俗。

秋日郊居雜興用楊孟載韵

野亭殘暑退。樹。着疎陰。未免秋容澹。偏增客思深。海風吹落葉。山月叫寒禽。一曲歌難盡。誰傳此際心。偶爾尋僧去。孤筇度板橋。雲深鐘響滯。風冷篆烟消。靜室饒花竹。回闌長藥苗。坐談應不厭。涼月照詩瓢。

客中照鏡

昔風清籟集卷三十九

七

照影驚來昨不同。蕭條旅舍又秋風。半生業比殘棋北。百折腸隨逝水東。髮盡霜難侵頂。白顏哀酒易上潮。紅絲華世事都經眼。一似菱花鏡裏空。

梅竹圖為鄭寅士題

野棘山茨何足擬。江楓岸柳未相宜。數竿恰好梅叢見。勁節孤芳兩自持。

張松齡

三首

字鶴生號赤庵順治乙未進士改庶吉士擢禮科給事中出為四川叅議

墨池

不見玄草臺。墨池尚如昨。三世執戟郎。白首甘寂寞。載
酒何處亭。問奇久零落。老樹藏饑飢。亂竹鳴虛閣。清池
盡日閒。飛來雙白鶴。

撫琴渡

尹伯奇作履霜操處

日暮倚方舟。渡頭水正流。客懷何寂歷。公子抱離憂。
思君莫寐。絲絃寫我愁。促柱發哀響。蕩滴自春秋。鳴麈
思啣草。飛鷺挾羣儔。天性一中乖。聖哲終見尤。回風彌
古道。崔嵬泣中洲。斯人竟已沒。千載空悠悠。

首風清籟集卷三十九

囊山次林網齋韻

老樹當幽徑。寒烟積翠岑。微茫山水色。生滅古今心。后
澗流新響。春林覆舊陰。渺然入世隔。閒坐共追尋。

湯學尹

一首

字伊人號重菴。順治丁酉鄉薦。官嘉興推官。

蘭陔詩話重庵持法平允多所全活有理未
畧王邁人序之詩不多作

過仙霞嶺

籃輿百折上仙霞。浙水關山入望賒。衣袂生寒雲漸近。
郵亭小憩日將斜。懸崖瀑作空山雨。繞樹簾鋪滿地花。

却喜老僧能愛客。竹柈羹椀供新茶。

林毓俊 二首

字爾千順治中拔貢生有紀遊草

山曉樓次施愚山韻

眼曠又登百尺樓。江天與我共悠悠。芙蓉水國烟初曉。禾黍山家露已秋。字到奇來應待問。書從散後竟難收。此間直使孤懷豁。載酒還須珮筆遊。

題畫

寂寞芙蓉山。碧波泉籬佳色興。如何無錢買酒詩成。

昔風清籟集卷三十九

九

人比黃花瘦更多。

常澍 二首

字司牧號雨十順治中諸生

蘭陔詩話兩十精繪事與楊南叟林鳳洲及僧澹崖石竺嘯峯結社唱酬遺集散失從社草中

錄二律皆成于拈牌者亦一氣渾成無補綴之迹○莆中詩社多尚拈牌凡六百扇或牙或

木為之廣六分厚一分以一面刻字一面空白

平聲三百字飾以朱灰聲三百字飾以墨入分

遊南山

披襟凌絕頂。此際息喧囂。梵響隨風遠。人煙帶郭遙。

殘多宋字。寺古自南朝。夙愛尋僧樂。何須折柬招。
湖上訪念止上人

見說幽棲靜。相將過水亭。波侵禪榻冷。山映衲衣青。定
裏編詩卷。談餘注茗鐸。何年謝塵事。同禮佛前經。

朱筇 一首

字書思順。治中拔貢生。官海豐知縣。鄧孝威云
書思詩能

獨創不
屑猶人

度嶺

離城三十里。峻嶺獨岩堯。海日搖雙眼。山雲濕半腰。猿

莆風清籟集卷三十九

嘯藏碧澗。鹿駭出紅蕉。箕踞松陰下。清風好掛瓢。

林人中

四首

字中子。號滌邨。嶠子。順治中諸生。有我集

溪上觀魚

杖策臨清溪。游魚溯流出。聚散若呼羣。沉浮時仰沫。潛
藻每成行。觸石還驚沒。夕陽半在山。鳴鳥啼林樾。感彼
惠莊言。深情誰與發。

答君十見懷之作

一徑時相過。棲遲最與同。病常因酒劇。詩豈為窮工。鳥

烏頭先。白魴魚尾。早紅平生蕭瑟意。不必為秋風。

春日書感

荆釵久已掩塵埃。腸斷經年鬱未開。欲換春衫愁發篋。
憐看玉鏡罷安臺。朱闌畫永花爭落。繡戶香銷燕獨來。
潘子二毛尤易感。蕭條賦就不勝哀。

送聘侯遊楚

曲度陽關酒易醒。片帆此日度沙汀。相思最是薜蘿草。
一夕春風滿洞庭。

黃轂

一首

蒲風清籟集卷三十九

十一

字爾矩號鍊庵順治中諸生

聖壽寺

蘭若遙倚翠微。古碑金碧已全非。天風隻髻浮滄海。
佛日名山對夕暉。開落桃花看世事。去來啼鳥悟禪
機。空山聞寂無人過。石榻高眠畫掩扉。

黃士衡 一首

字爾左號思民起雒子順治中國學生

蘭陔詩話思民善畫山水
綽有父風詩亦清婉

初出袁城夜泊分宜有懷

落葉浮烟自不禁。片帆初倚漏沉沉。寒蟾淡蕩雲邊出。
宿鳥參差水際銓。風帶離聲。歌客枕。人隨夜色到江濶。
低頭細憶袁山樹。兩岸蕭蕭。旅思深。

余履度 二首

字裴似順。治丁酉鄉薦。官瀘溪知縣。

過臨川

我過臨川郡。長懷介甫名。改絃紛國事。膠柱昧時情。經
術前無古。清操舊有聲。書空徒自悔。聚斂累生平。

海崇

首風清籟集卷三十九

十二

銀燭燒殘露滿枝。紅潮上頰倩扶持。最憐醉態嬌無力。
獨向秋屏擅一時。

黃道晉 二首

字昭甫。號舛人。順治己亥進士官龍安推官。

龍州明月渡

把酒邀明月。舟移月在身。可憐今夜月。曾照謫僊人。
水渡牛心過。雲飛馬首來。微茫煙樹裏。何處讀書臺。

山上有太白讀書臺

陳琅 一首

字石房順治中諸生

青溪述懷

年來只作信天翁。幾度山窮水又通。對鏡數驚霜入鬢。
逢人益信道張弓。花游不厭當壚酒。月咏時聞講寺鐘。
自矚幸存雙屐在。牡丹奕々艷東風。
詩載鄧孝威詩觀中

陳 璩 一首

字德璩號小休順治中布衣

登劍津明翠閣

峻嶺欹天末。林巔復架樓。佳辰頻載酒。遠浦幾歸舟。

昔風清籟集卷三十九

十三

色低涵水風聲老入秋。平生泉石癖。對此自淹留。

林鳳儀 六首

字少威號樗軒齊聖子順治中諸生有嘜堂

詩集

蘭陔詩話少威高岸遠俗好彈駁人詩文嘗擬
甫中名流詩上自洪建下訖天崇為木蘭風雅
其書惜已不傳又採友人詩為風雅同時網羅
散失洵為有功藝苑矣

金陵歌

金陵六代帝王宮。禾黍高低王氣終。多少遊人來吊古。
春朝秋夕恨無窮。大江滾滾向東流。注揚柳。垂絲白。下路

孫。焚。酒。樓。雨。蕭。蕭。烏。衣。巷。口。燕。飛。去。東。風。未。到。莫。愁。河。
青。草。先。生。桃。葉。渡。梅。落。猶。憐。公。主。粧。月。明。空。照。麗。華。墓。
潘。妃。步。步。散。金。蓮。陳。主。聲。殘。玉。樹。鐵。鎖。沉。江。事。已。非。
秦。淮。歌。舞。猶。如。故。龍。笙。鳳。管。唱。吳。儂。一。曲。未。終。日。已。暮。
日。已。暮。歌。聲。揚。君。遠。去。妾。自。傷。嬌。娃。樓。上。感。雙。黛。如。玉。
如。花。顏。不。再。

隣舟聞笛

客。子。方。淒。切。誰。舟。玉。笛。聲。乍。吹。寧。有。意。久。聽。遂。闕。情。山。
冷。梅。猶。落。江。深。月。自。明。莫。將。楊。柳。折。歲。向。愁。生。

昔風清籟集卷三十九

十四

登平山樓懷古

鬱。蒼。佳。氣。尚。重。俛。仰。千。年。覓。舊。蹤。天。塹。長。江。迴。睥。睨。
山。開。列。嶂。繡。芙。蓉。月。明。殿。裏。飛。金。鳳。草。滿。臺。前。失。白。龍。
憑。吊。何。須。傷。往。事。夕。陽。古。渡。一。聲。鐘。

姑蘓臺晚眺

廢。苑。荒。臺。倍。可。憐。館。娃。春。色。草。芊。芊。青。山。月。冷。要。離。塚。
碧。水。春。留。范。蠡。船。子。夜。歌。殘。吳。曲。豔。尊。鱸。宴。罷。客。厨。鮮。
具。區。西。望。連。天。白。幾。片。殘。霞。亂。野。鳶。

燕子磯望金陵

燕子磯前泊客棹。波濤洶湧。石岩堯英。雄割據。分三國。
王氣偏安盡。六朝蘆荻蕭。鴻影冷。戍樓肅。燧烟銷。
廢宮瓦落。多禾黍。惟有鐘聲答暮潮。

初冬再經滕王閣題壁

故宮多少盡蓬蒿。獨怪滕王閣尚高。有客當年曾得句。
何人此日更揮毫。斜陽帶鳥投紅葉。衰草粘天湧碧濤。
翠岫飛來千萬疊。登臨幾度首頻搔。

方逢壁

三首

字書崑號良山順治中布衣

莆風清籟集卷三十九

十五

秋懷

十年羈異縣。寂寞此身閒。飛雁傳秋信。斜陽抹晚山。
旅懷黃葉下。鄉路白雲間。莫灑湘江泪。時清且解顏。

思歸

近來老病癩登樓。半載支床不自由。斷梗飄蓬成浪跡。
澹雲疎雨起閒愁。道途落。誰青眼。歲月堂。已白頭。
安得龜茲三尺枕。任子歸夢到蘭洲。

七夕

玉露金風夜色清。填河烏鵲報橋成。間更有多在別

牛女何須怨未平

楊夢熊 一首

字渭叟夢鯉弟順治中諸生

山居

結屋山邨裏暮年合索居却因心境靜頓覺世情疎
莎徑朝驅犢苔磯晚釣魚雖然生計拙聊可樂琴書

林九棘 六首

字伯逸順治中國學生有十詠堂集

蘭陔詩話伯逸僑寓金陵詩見鄧孝威詩觀中

青風清籟集卷三十九

六

隋堤柳枝辭

蕪城烟景半淒迷翠靄樓臺遠岫低楊柳自從經歲別
夢魂常繞畫橋西

畫舫頻過廿四橋頭翠色泥人嬌不知佇立誰家子
腸斷東風為玉簫

竹西亭畔水東流拍岸烟波度遠樓惆悵廣陵花月夜
可憐翠幕不關愁

秦淮春泛

曉風新月舊京華寂寞金城春樹遮朱雀橋邊歌舞地

碧波飛燕繞誰家

百尺凭高俯碧流。朱簾掩映遠山幽。融融春晝裁詩永。歌遍江南十四橋。

浮白凭高思渺然。楚雲吳水憶當年。青山世事誰堪論。寥落春歸聽杜鵑。

方 經 一首

字而聲號如園順治中諸生

三山九仙觀

不見九仙至。空餘九日山。禮壇寂々煉鼎月。閒々赤

莆風清籟集卷三十九

十七

鯉虛疑際。丹砂縹緲間。桂花飄井臼。吟眺輒忘還。

余 頤 一首

字程思順治中布衣有洲南集

海棠

剪綃裁錦闥。纏枝妖艷橫。陳不自持。玉頰微紅。酒初醒。沉香亭北倚闌時。

林翰王 一首

字介宗友王弟順治中布衣有西樓集

看彈箏候

明月照空階。笙篴聲斷續。身是涼州人。畏彈涼州曲。

林贊王 一首

字復子友。王弟順治中諸生。有空樓集。

過晉廢府

龍種今何在。故宮望儼然。塵封金屋裏。苔長玉階前。夜
露淒淒下。晨風獵獵旋。西河春色暮。芳草為誰憐。

林翼王 十首

字獻十友。王弟順治中諸生。有禱樓集。

歐陽四門墓

莆風清籟集卷三十九

十六

四門唐代英。軒蓋肇吾土。推挽有先公。縫掖齊東魯。至
今絃綬聲。鏗鏘出環堵。我來訪幽局。空山披宿莽。涼露
團。疏蔭古穴竄。蒼鼠斯人杳。難期日暮勞。延佇扣石歌。
哀辭蕭蕭。激林楚。

夾漈聳堂

鄭公藏書處。蠟壘何窮。蘇川壩。豈有琳山輝。亦非寶宇。
宙。割鴻濛。天地歸文。縣莽從。僅數楹。萬象恣幽討。即今
煙雨夕。精靈來縹緲。縹緲經。蔽石巖。張步芳。薄紗囊。不
可從。惆悵雲峰渺。

遠別離

遠別離。在太行。奮身欲往雪茫茫。上有側目之鳴鳥。下有苦饑之鳳凰。倫類失所處。事故忽變常。異地不可樂。不如返故鄉。時危道阻愁無力。夢魂徒繞邊城長。遠別離。摧肝腸。

歲暮行

歲聿云暮百憂集。沙場羈旅無消息。去冬書報今春歸。五月六月望眼失。陰風倏忽發。怒號乾河層冰如鐵色。野獸深藏鳥不飛。縱欲出門那可得。嗚乎安得眼前即見艷陽燠。舟通江淮車走陸。湏臾難待可奈何。空對壚頭春酒綠。欲飲不飲亂心曲。

青風清篋集卷三十九

秋日郊居雜興用楊孟載韻

避地荒三徑。歸來興不忘。滋花頻抱甕。伐竹更移床。筐落風林果。鋤沾菜甲霜。小奚幽事熟。掃石惜殘香。風淒獨掩扉。日暮客來稀。砧杵聲何急。關河夢未歸。芙蓉霜後落。烏鵲月中飛。遙想征人婦。流黃織夜機。

賦得孤村春水生

歷歷水棉樹。幽偏自一邨。青沈煙火色。碧長石磯痕。波

影。搖。江。檻。溪。聲。急。海。門。老。農。畊。種。得。相。慰。倒。芳。尊。

宿紫山

鎖。際。長。松。亂。棟。霄。澗。中。古。木。上。支。橋。行。隨。麈。跡。沾。春。蘚。
坐。聽。雞。聲。識。晚。潮。獵。火。過。門。分。路。細。樓。鐘。出。谷。帶。雲。遙。
舊。題。不。見。紗。籠。壁。據。榻。狂。吟。復。此。宵。

梅花落

一。闌。梅。花。落。征。人。涕。淚。殘。故。園。何。處。是。春。色。曲。中。看。

子夜歌

儂。意。爐。中。火。歡。意。鑪。中。雪。何。許。故。相。煎。祇。教。冷。作。熱。

昔風清韻集卷三十九

二

高堯夫

二首

字國典號邵翁順治中布衣有竹林集

送友人歸宣城

與。君。相。見。即。相。別。不。盡。離。情。可。奈。何。客。路。青。山。鮒。夢。香。
孤。寧。尊。酒。夕。陽。多。天。涯。踪。跡。頻。飄。梗。海。內。風。塵。未。息。戈。
明。到。南。樓。思。病。骨。夜。深。寒。月。伴。松。蘿。

題族弟應求亭

聞。道。應。求。三。徑。新。浩。歌。劇。飲。屬。何。人。從。來。世。味。無。如。澹。
始。覺。吾。生。自。有。真。野。樹。秋。深。雲。漠。斷。橋。風。冷。水。粼。

向平婚嫁何年畢。與爾相將漉酒巾。

魏天中 一首

字宜仲順治甲午鄉薦官石首知縣

寄惟度家弟

天涯薄宦一身輕。望斷吳江路不平。赤壁寒風空鶴夢。
白門夜雨憶鳴鷄。文章千載知虛席。貧病三春倚短檠。
汝不肯來予莫往。再生應了子由情。

吳天民 一首

字非予順治中布衣

昔風清雅集卷三十九

三

蘭陵詩話非予隱於榕城卜肆異人罕知之詩
見林白雲園詩選中

和陶

夕陽未西沒。蒼翠滿山前。此時北牕下。相對難為言。涼
飈竹外至。悠然太古年。自覺有餘樂。幽意誰與傳。

01928

